

"بِسْمِ اللَّهِ الرَّحْمَنِ الرَّحِيمِ"

"ربما تنعكس الأسماء على نوبها؛ فمنهم مَنْ تدل أسمائهم على شجن وتكون حياتهم كلها شجنٍ ومنهم مَنْ تكون أسمائهم كلها حياةً وبهجةً ولكنهم لا يدروا شيئاً عن البهجة!، وفي بعض الأحيان يأتي أحدهم إلى حياتك ليغير لونها الداكن إلى غيطةٍ ومسرةٍ، فلا تدري ما يُخبئهُ لكِ القدر ولكن كُنْ دائماً على ثقةٍ ورضىٍ بالله ليتجد السلام بقلبك حتى وإن توالى الصعقات خلف بعضها البعض."

﷞ الكاتبة آية أحمد أبوداعوس ﷞

شجن: بنت عشرينية جميلة جداً رشيقة تدرس بكلية التربية الرياضية، مُلفتة للقلب قبل العين ، عيناها عسلية اللون، وخبديها دائماً وردية ، روحها كالفراشات على القلوب، ومُتميزة بكل مجال تخوض به ومُعافرة ، مَحبوبة من الجميع لكن يوجد البعض كارهين حاقدين عليها.

شادي: أخوها الوحيد والكبير لشجن وهو يعمل مُحاسب بإحدى الشركات.

والدة شجن: ست بيت جميلة و متففة وملايحها أخاذة وهذا من الطبيعي لأنها أنجبت ابنه فاتنة مثل شجن

والد شجن: مدير بإحدى الشركات وهو رجل قروي ومُثقف ذو خُلُق رفيع ،ماهر جداً بعمله ومُتقن، محبوب جداً من الجميع وخاصة الغرباء، لكن الأقارب برغم أنه الوحيد الذي يصل الرحم ويساعد الجميع ويقف بجانبهم بأي وقت يحتاجونه بجانبهم ولكنهم حاقدين عليه، وهذا طبيعي لأن العين دائماً تكره الأفضل منها، ولن يكرهك ويحقد عليك سوى من رأى خيرك وذاق من مذاقة الطيب ورأى سُمعتك البراقة وحب واحترام الجميع لك.

"هذه هي أسرة شجن الصغيرة".

_____&&&_____&&&_____&&&_____

شجن: ياربي هو الواحد مش هيبطل بقا يقوم مفزوع من النوع على صوت الزعيق العالي دا ! ، حقيقي الواحد أعصابه تعبت ، صباح الفل يا ماما صباح الفل يا شادي

والدة شجن: صباح النور

شادي: أهلاً يختي لسه صاحية ، ما تخليكي نايمة كمان شويه

شجن: إحنا في إجازة علفكره وفعلاً مكنتش هقوم دلوقت ، إلا بقا صوت زعيقم العالي دا هو اللي صحاني، قولولي بقا إي سبب الزعيق دا من الصبح!

والدة شجن: مفيش عمك اللي مش سيبانا في حالنا وعماله تتكلم علينا بالباطل وتسمعي كلام غلط عننا ومبتروضيش الغيبة؟! ، تسمع الغلط في حقنا وتسكت ينفع كده ! .

شجن: طيب وانتى اي عرفك بالكلام دا يا ماما ؟

والدة شجن: الكلام وصلني من واحده

وجيت أتأكد من عمك قالتلي أيوه كانوا قالوا كده من زمان عليكوا بس مردتتش أقول عشان مولعش النفوس بقا ، قولتلها تسمعي الغلط عننا من مرات أخوكي الثاني وتسكتي !، قالتلي م انا هقول إي دا أخويا ودا أخويا !.

شجن: طيب روقي كده يا ست الكل ومتحرقيش دمك ، واي الجديد بتاعهم م هما عطلول كده ،وانتي عارفه إنهم مبيحبوناش .

شادي: إمشي بيت يا باردة إنتى شوفي رايحة فين ولا كملتي نوم إجري

شجن: طب براحة يخويا على أعصابك لطق ، ماله دا في إي على الصبح

شجن: العصر قرب يأذن والكهرباء لسه قاطعة يا ماما وأنا هموت من الحر وجعت مفطرتش.

والدة شجن: حد قالك متفطريش ! ، طب قومي يلا اغسلي رز وجهزي حاجات الأكل ، نصف ساعه والكهرباء
تيجي وشوية وبابا يجي من الشغل

شجن: حاضر

شجن: هالاي الكهرباء جات يا ماما وخلص الاكل قرب يستوي أهو

شادي: إي بيت انتي إكبري بقا ، ياه اليوم كان مُتعب أوي النهارده في الشغل .

والد شجن: السلام عليكم ، إنتوا فين يا ولاد ، يااا شجن

شجن: نعم يا بابا حمد لله على السلامه يا حبيبي

والدة شجن: حمد لله على السلامة

شجن: يلا يا شادي خلص اللي في إيدك عشان هحط الاكل

والد شجن: تسلّم إيدك يا شوشو لأ دا إنتي بقيتي ست بيت ماهرة.

شجن : عيب عليك يا بابا دا أنا شطورة جداً جداً !

شجن: خلاص الحمد لله خلصنا أكل هقوم بقا أدخّل الصينية وأعملكوا الشاي العظمة بتاعي بقا ، مع إن شكلك يا بابا
مش محتاج شاي مزاجك حلو لوحده باين عليك .

والد شجن: ههههه ماشي يا غلباوية ، أنا فعلاً مزاجي حلو النهارده

شجن: طب ياسيدي ربنا يسعدك هو إحنا نكره ، دا مصلحه ليا عشان عاوزه فلوس أجيب كريمات ههههه

شادي: طب أنا عندي شغل على اللاب هقوم أعمله بقا.

والد شجن: ربنا يعينك يا حبيبي .

شجن: هما راحوا فين عشان أديهم الشاي ،

أها في أوضة الجلوس أهو ، هما مالهم بيتكلموا براحة كده لي؟! .

شجن: قربت من الأوضة عشان تدخل الشاي لوالدها و والدتها..... وفجأة مرة واحدة ملامحها كلها إتغيرت وعنيها
رغرغت بالدموع ، و يداها إرتعشت وكانّ أتى توبة في عز الصيف!....

شجن واقفة تستوعب الكلام اللي سمعته من والدها ووالدتها وهو موضوع جوازها وإن حد متقدملها ،وبتقول لنفسها:
إزاي كده!، دا أنا حتى لسه في سنة أولى كلية هشيل المسؤولية إزاي؟! ، وهتجوز حد معرفهوش ولا عُمرِي
شوقته!، كمان أنا بحب زميلي في الكلية ومستنيه يخلص آخر سنة ليه في الكليه ويجي زي ما وعدني ،هعمل إي
وأنا قلبي مع حد تاني، وأهلي أكيد مش هيوافقوا بطالب .

والدة شجن: إنتي يا هانم كل دا بتعملي شاي ؟

الصوت قطع حبل أفكار شجن بسرعة وبلعت ريقها من الصدمة وتستجمع قواها وترد: لأ خلاص الشاي أهو
إتفضلوا .

والدة شجن ثاني يوم: صباح الخير يا شجن.

شجن بحزن وفقدان طاقة: صباح النور يا ماما .

والدة شجن: بابا كلمك إمبراح في موضوع العريس اللي متقدمك ؟ .

شجن: أيوه يا ماما ورفضته .

والدة شجن: لأ بصي بقا أنا جبت أخري معاكي، كل يوم والتاني ترفضني وناس كويسه ومفيش سبب ، ولا فيه سبب عندك ؟.

شجن وهي متلجلجة وإتوترت: لأ يا ماما مفيش عندي سبب هو بس لأن مش عاوزه أتخطب دلوقت ، هيكون إي السبب يعني يا ماما ؟.

والدة شجن: طيب إعملي حسابك ابوكي إدي للناس دول كلمة ومش هنعرف نرجع فيها ، لأن دول ناس واصله وممكن يآدونا .

شجن: يآدونا إزاي يعني !! ، هو مفيش قانون في البلد ولا إي ؟! ، مفيش حد فوق القانون ، ولا هو عشان إبنهم ظابط وحالتهم حلوه .

والدة شجن: هو دا اللي عندنا مفيش مجال للرفض المرة دي وخلص جاين بكره بالليل .

شجن وهي مصدومة ومتعصبية : نعم !! ، بكره بالليل إزاي يعني ؟، هو أنا حيوان ولا جموسة يا ماما الذبون اللي يطلبها ويكون عاجبكم ودافع تسحبوها وتدهاله منغير متقول حرف ؟! ، وإنهارت شجن في العياط .

شجن بغيظ وهي منهارة في البكاء : مش هقابل حد ولا موافقة.

والدة شجن بعصبيه: إتأدبي بينت ، وكانت هتضربها لكن هديت لما شافت دموعها وحاولت تستوعبها وقالتها ، بينتي إفهميني ، الناس دول ناس واصله ، وممكن يشيلوا أبوكي بالوه لو رفضنا ، أبوكي كان واخذ قرض ومعرفش يسده عشان الحالة المادية كانت وحشة وعشان يدخلك الكلية بتاعتك دي ، وعشان اخوكي كان محتاج واسطة عشان يتعين في المكان النضيف اللي هو فيه دا ، وأبو العريس دا ال سدهوله لأن كان هيتحجز على بيتنا لو مصدناش في الوقت المطلوب ، ودلوقت هما ماسكين وصولات أمانه على ابوكي بمبلغ طائل ومش هنعرف نسدة .

شجن تقطع كلام والدتها: يعني إنتوا يا ماما بعنوني بالفلوس عشان أنا أسدلكم!.

والدة شجن وهي كلها حصرة: إحنا هنبيعك يا شجن ؟ ، دا ولا كنوز الدنيا بينتي ، بس دي جوازة حلوه.

شجن دخلت أوضتها مش عارفه تعمل إي ومره واحده لقت نفسها مسكت الفون وإتصلت على علي حبيبها مرضش ، فبعتتله على الواتساب (ازيك يا علي عوزاك في حاجة مهمة جداً أول ما تكون فاضي كلمني ضروري .

علي أول ما شاف الماسيدج: نعم يا شجن ، معلش كنت نايم ، ازيك عامله إيه ، وخير في إيه يستي وحشتيني هو انتي يوم م تكلميني يكون عشان في حاجة ! ، بس ما علينا المهم إنك بعني .

شجن: مش كويسه يا علي

علي: لي بينتي في إيه مالك بس .

شجن: هسألك سؤال يا علي ، أنت بتحبني بجد ومستعد تقف قدام كل الدنيا عشان أكون معاك ولا لأ ؟ .

علي شاف الرسالة وسكت شوية لأنه إتردد وإستغرب : أكيد طبعاً يا شجن ، بس إي داعي الأسئلة دي ؟.

شجن: هقولك يا علي ، وحكيته شجن على كل حاجة .

علي : أيوه فهمت تمام طب وأنا مطلوب مني إي دلوقت يا شجن ؟.

شجن: إزاي يعني أنت المفروض تقولي أعمل إي ولا أتصرف إزاي ، مش أنت لسه قايلي إنك بتحبني وتقف قدام الدنيا عساني ، ومش انت كنت مديني وعد !!؟.

علي: أيوه يا شجن بس دول ناس واصله ودول اهلك انا هعمل اي وهاجي اقولهم إي ، معلق مع بنتكلم وبنحب بعض وأنا لسه طالب فاضلي سنة وأخلص!!، وبعدين وعد إي دا ، أنا قولتلك لما أبقا أخلص.

شجن: يعني إي ناس واصله ! ، م أنت كمان يا علي حالتكم المادية كويسة ،وانت لو بتحبني هتعمل أي حاجة عشان أكون معاك ، الغاوي يعدي بحار عشان حبيبه، يعني هتسبني أكون لحد تاني ؟! .

علي: ماشى بينتي عائلتنا حلوه لكن مش أحسن حاجة في الماديات ، أبويا بيغلس ، وأنا بأخذ مصروفي منه أو من أمي، وسيك من كلام الروايات دا بقا بالله مبيحطش ولا يأكل عيش حاف حتى .

شجن وهي مصدومة وحاسة بالخذلان: يعني إي يا علي هتتخلى عني في أول مرة أحتاجك فيها ؟! .

علي: معرفش شوفي نفسك بقا ، واهو تعيشي عيشة حلوه بدل عيشة الكحت اللي إنتي فيها دي ، وأنا أصلا يا ماما أخزي كان تسالي مليش في الجواز ، ويوم ما اتجوز أتجوز واحده بنت ناس من مستوايا مش ناس بتأخذ قروض وتبيع عيالها عشان تسد.

شجن بقهرة وأكنها في حلم : بس يا حيوان ، إخرس خالص دا أنت مش راجل ومش عاوزه أغلط فيك ولا انزل مستوايا لمستواك الزبالة ، دا أنا أحمد ربنا إن كشفك على حقيقتك وفوقت من الوهم اللي كنت فيه دا بس للأسف على كابوس ، بس أكيد خير ، كل حاجة خير ، وأهلي أحسن ناس وأحسن من أهلك ، أنا غلطانه إن وثقت فيك وإعتبرتلك راجل، وعملتله بلوك من كل مكان وحذفت رقمه وكل حاجه ليه عندها.

وفضلت شجن مبطورة من البكاء على وجع القلب وبسبب الكلام اللي سمعته ، وأكثر كلمة ترن في ودها (واحدة بنت ناس من مستوايا مش ناس تأخذ قروض وتبيع عيالها عشان تسد)

الكاتبة آية أحمد أبوداعوس

"تاني يوم الصبح "

والدة شجن: قومي يا شجن ، صباح الخير يا حبيبتي ، يلا الظهر أذن قومي عشان تلحقي تجهزي نفسك عشان أهل العريس جايبين آخر النهار .

شجن سمعت الجملة النوم كله طار من عينيها وإتفزعت وقالت : أهل العريس ! ، لكن يا ماما...ومقدرتش تكمل كلام وغيطت ، لكن قطع عياطها صوت والدها اللي جالها باس دماغها وقالها حقك عليا يا بنتي أنا أسف أنا مبعتكيش وبكره تعرفي بكده.

شجن وعيونها مليانه دموع و قلبها مكسور من كلام علي إمبراح: متعتررش يا بابا أنا أعمل أي حاجة عشانك، أنا هقوم أجهز أهو.

" جات اللحظة الموعودة والعريس وأهله جيهم وشجن كلها شجن إن الشخص اللي إتمنتته يكون هو اللي بيخبط على بيتهم هو نفسه الشخص اللي كسرهما وسمم بدنهما بالكلام وغلط فيها وفي أهلها"

شجن مرة واحده سمعت صوت الضيوف إمال فين العروسة اتاخرت كده لي ؟ هي مكسوفة ولا إي ؟
والدة شجن: لأ لأ هندهلها أهو .

والدة شجن بتبص لشحن وهي مُنبهرة بجمالها رغم عيونها العسليه اللي مليانه شجن: يلا يا حبيبتى قومي الناس مستني من بدري .

شجن: لي كده يا ماما؟! ،لي تأخذوا قروض وتبقوا تحت رحمة حد لي يا ماما ؟ ، لو على الكلية بتاعتي أنا مش عوزاها خلاص لو دا من ضمن الأسباب ، بس مأخذش شخص أهلي يكونوا تحت رحمة أهله وشخص عمري ما شوفته حتى إسمه معرفهوش .

والدة شجن: حفاك علينا بينتي بس هتعرفي إن دا كله في مصلحتك بعدين واننا مبعناكيش ولا حاجة والعريس إسمه أمير.

شجن دموعها واقفة مرة واحده من الدهشة وقالت: أمير؟!!!

والدة شجن: أيوه إسمه أمير ، مالك يا شجن مستغربة كده لي؟! ، مالك بينتي سرحتي وسكتي كده لي !! ، انتي كويسة!.

شجن أول ما سمعت إسم أمير إتفجئت وإتكرت كلام الست بتاع الودع وهي كانت في رحلة لأسوان تبع الكلية بتاعتها في الترم الثاني من سنه أولى وقت ما هدى صاحببتها شافتها وقالتها وهي متفاجئة وفرحانه إي دا يا شجن!!، أنا مش مصدقة عنيا بس يارب يكون صح .

شجن بإستغراب ومش فاهمه أي حاجة : إي يا هدى مالك بينتي خضتيني؟.

هدى: مش اللي هناك دي الست بتاع الودع واللي بتقرأ الكف ؟ ، دا لابسة زي اللي بنشوفهم في التلفزيون ومعها صحن الرمل والحجار.

شجن : بينتي هو إنتي بتصدقني في التخاريف دي يعني؟! ، دا حرام يا هدى وإحنا ناس عاقلة وعارفين ربنا مش صُغيرين .

هدى : طب تعالي والنبي يا شجن نجرب مش هنخسر حاجه ، وسحبت شجن من إيدها بسرعة وراحت على الست .

الست بتاع الودع: شافتهم وهما جاين عليها جري ولفت نظرها شجن اللي جايا غصب عنها بسبب هدى اللي شدتها ، وقالت لـ شجن : مدي إيديك يا بُنيه خُدي صدقتين من طبق الرمل اللي قدامك وإحديفيهم فيه تاني .

شجن: لأ يا ست مُتشكره أنا مش عاوزه أشوف حاجة ، إحنا جاين عشان هدى .

هدى: بينتي جربي بقا هو إحنا هنخسر حاجة، متخلكيش جبانة وعندية كده.

شجن: أنا مش جبانة يا هدى إنتي عارفة إن مش بآمن بالحاجات دي .

هدى: طب عشان خاطري جربي يستي مجرد تجربة محدش طلب منك تأمني بها ، خلصينا بقا يا شجن عشان عاوزه أشوف أنا كمان .

شجن: طيب يا هدى ، أهو يا ست أخذت الصدفتين دول ، اعمل ايه ؟

الست بتاع الودع : إرميهم تاني في الطبق .

شجن : طيب ، ورمتهم في طبق الرمل تاني .

الست بتاع الودع مرة واحده بعد م كانت مركزة على الصدف ، رفعت عينها بسرعة لشجن وقالتلها : إنتي بينتي هدخلي في صراع كبير مع نفسك قبل اللي حوالكي، هنتصدمي في ناس كثير بتحبهم وهتكوني إنتي الضحية ، لكن هيجيلك أمير ركب حُصانه الأبيض ينقذك من وسط الوادي اللي إنتي تايهة فيه وهتكون روحه فيكي وإنتي هتسحرية ، لكن بينتي هيكون موجود دم وضحايا كثير .

شجن وكلها خوف وتوتر سحبت إيدها وقالت: إوعي يا ست إي اللي بتقوليه دا؟!، دم إي وضحايا إي بس هي ناقصة تعب أعصاب ! ، أنا غلطانة إن سمعت كلامك يا هدى ، وسابتها ومشيت .

هدى: طيب شوفيلي أنا يا طنط ، وبعد ما الست شافتلها الكف والصدف ، قالتها هقولك رسالة تبليغها لصاحبك .

هدى راحة لشجن وقالتلها: بينتي فكي بقا وكيري دماغك إحنا جاين الرحلة نتبسط وهو تجربة جديدة يا شجن، مش انتي بتقولي مش بتصدقني في الحاجات دي ؟ امال مضايقة ليه ؟ ، وبعدين يستي إحنا في إنتظار أمير بيه يجي يننشلك من وسط الوادي هههههههه.

شجن راقّت على صوت ضحكة هدى وقالتلها : يستي هي نقصاكي انتي كمان هههه، أمير مين بس، والله ما مصبرني على الدنيا دي غير ضحكة الراقصة بتاعتك دي يا هدى هههههه.

شجن قطع شرودها صوت التليفون بتاعها وبصت عليه تشوف مين بيتصل إتفجنت وقالت في نفسها: يارتنى أفكرت مليون جنية حتى كنت سديت الوصولات وخلصت من الهم اللي أنا فيه دا ههههه، والله هم بيكي وهم يحزن وردت على هدى ، ألو يا هدى.....في حاجة ولا إي يا حبيبتني؟.

هدى: إي بينتي بعثالك واتساب من يومين مش بتردني ليه قالقت عليك وإفكرت حاجة كده كنت عاوزه أقولها لك.

شجن: أيوه معلش أصل حذفتم الواتساب شوية كده لان نفسييتي مش أحسن حاجه ، خير إفتكرتي إي ؟ .

والدة شجن: مش وقت فون بينتي قومي بلا.

شجن: دقيقة بس يا ماما روحي انتي وجايا وراكي ، ها يا هدى قولي .

هدى: فاكرة الست بتاع الودع اللي قابلناها في أسوان ؟

شجن :قطيعة يختي مالها؟

هدى: قالتلي رسالة أقولها لك بعد ما قرأتلي الكف ونسيت أقولها لك وقتها عشان إنتي كُنت مضايقة فاتلخمت فيكي .

شجن: ها قالت اي بُسرعة بس عشان مش فاضية .

هدى : بتقولك "محدث بيهرب من المكتوب بينتي لو هربتي من كلامي وسحبتي إيدي ، مش هتهربي من قدرك" ، فقولت أعرّفك برود معرفش إي خلاني أفكر دلوقتي بس قولت أبلغك الرسالة.

شجن: سرحت في الجُملة وقالت لنفسها اشمعنا دلوقت هدى إفتكرت الكلام في نفس الوقت اللي أنا إفتكرت فيه الموضوع ، والعريس إسمه أمير! ، فشجن قفلت الخط مع هدى وجالها فضول وقبول من نفسها كده تشوف العريس دا وتقابله ولأول مرة تكون مرتاحة كده ومشتاقة إنها تشوف حد .

_____ #الكاتبة آية_أحمد_أبوداعوس_____

(ودخلت شجن بالحاجة الساقعة وهي متوترة ومتحمسة تشوف العريس ، أهل العريس أول ما شافوا شجن كلهم إنبهروا بجمالها وبساطتها وأناقته ، وواحد فيهم شجن حست إن نظراته لثيمة ومرتحلهوش وقالت في بالها : ياسااا أكيد دا أبو العريس ، بس باين مامته ست جميلة وزوق وسلمت عليهم ،بتبص على العريس علشان تشوفه وتعطيه الحاجة الساقعة لقيته قام وقف مرة واحده وعينه كلها بريق ، ووشة مورد وييلمع أكن حد كان مُنتظر حاجة وأخيراً إتحققت ، طول بعرض وأنيق وفيه قبول رهيب ، فبصلته وتاهت في عيونه ، نظراته ليها حسستها إنهم بس اللي واقفين قصاد بعض ومفيش حد غيرهم موجود ، فإدبتله الحاجة الساقعة وإبتسمت ، وحطت الحاجة الصينية وخرجت بره ووشها كله أحمررر وقلبا بيدق بسرعة ، ومشاعرها متلغطة .)

شجن بتكلم نفسها بعد ما دخلت أوضتها :مالك يا شجن؟! ، أول مرة تحسي الإحساس دا؟! ، إهدي بينتي كده في إي! ، وحاولت تهدي نفسها وتستوعب إي الإحساس اللي هي حاسة به واللغطة دي! .

والد شجن: شجن ، تعالي سلمني يا حبيبتني على الضيوف ماشين.

شجن: خرجت تسلم عليهم تاني ، وكلها كسوف من أمير ومش قادرة تنزل عينيها من عينه ، أكن مفيش في المكان غير عيونه اللي خطفتها وهو كمان باصص لعيونها أكن غريق ولقى بر الأمان مش قادر ينزل عيونه من عليها طول ما هي واقفة.

_____ #الكاتبة آية_أحمد_أبوداعوس_____

(بعد ما الضيوف مشيوا)

والدة شجن : ها يا شجن إيه رأيك؟ ، موافقه يجي تاني وتقعدي معاه؟

شجن: بكسوف وإبتسامة إللي تشوفوه يا ماما ، بس عمو ماهر دا باين عليه خبيث يا ماما مرتتحلهوش ، لكن مامته ست طيوبة وتدخل القلب .

والدة شجن: طب وهو إي 😊 هههههه ، الواد حلو وعجبك صح؟.

شجن: يا ماما بقا

والدة شجن: هههههه كبرتي يا شجونتي وبقيتي عروسة وبتتكسفي ، دا أهل العريس كانوا هياكلوكي بعينهم من حلاوتك .

شجن: هو ملهوش أخوات يا ماما

والدة شجن: لأ هو ولد وحيد.

والد شجن دخل: راحت أم شجن بسرعة قالتله شجن موافقه تقعد معاه

شادي : هو الولد كويس ومحترم جداً سمعته سبقاه بس أبوه اللي عليه إستفهامات.

والد شجن: نحدد معاد إن شاء الله معاهم ويجوا تاني .

شجن: لأ ثواني يا بابا إستفهامات يعني إي؟؟ ، يعني أبوه مش كويس؟ سمعته وحشه ولا أي ؟ ، أنا حسيت بردو من نظرتة و....

والدة شجن قاطعت كلام شجن وقالت : بينتي ما إنتي عارفه اللي حكنهولك ، وإنه إستغلالي وخبيث .

شجن مشاعرها إتقبلت تاني وزعلت وقالت في نفسها علشان متزعلش أبوها ولا تحسسه بضعف : طب وأنا هعيش في وسط ناس زي دول إزاي؟ ، هكون تحت رحمتهم ولا حالتي هتبقا عامله إزاي وسطهم؟ ، لكن مرة واحده صوتها طلع وقالت لوالدها : لأ يا بابا إستنى متحددش معاد معاهم ، أنا لسه مأخذتش قرار .

والدة شجن: هو انتي بعد اللي حكتهولك عاوزه تفكري في قرارات يا شجن؟.

شجن: هو انتوا لي كده يا ماما بتكسريني كل شوية وتحسسيني إني قُليلة ومجبورة على الحاجة ، حتى مش مسموح ليا أخذ وقتي في التفكير؟! ، وإنهارت شجن من البكاء ودخلت أوضتها.

شجن: وقفت عياط وقالت لنفسها بتعيطي على إيه! ، اللي إنتي بقيتي فيه خلاص يا شجن بقا أمر واقع ومحدث هيحس بيكي مهما عملتي في نفسك هما خلاص اختاروا مصلحتهم على حساب سعادتك ، حتى الشخص اللي حبتيه إتخلى عنك وقت الجد وهانك ، قومي يا شجن قوليلهم إنك موافقة يمكن حياتك الجايا دي تكون أريح ليكي وأكد اللي ربنا كتبتهولك خير بس إصبري يا شجن إصبري، وخرجت شجن قائلتهم إنها موافقة ويقولوا لأهل العريس على المعاد اللي مُناسب معاهم.

والد شجن: كلم والد أمير وبلغوا بموافقتهم .

والد أمير رد ببرود: ماشى ماشى نيجي أمته يعني؟

والد شجن: المعاد اللي يناسبكوا

والد أمير: على يوم الخميس ببقا كويس نيجي نتفق على الفرح ومعاد الشبكة؟

والد شجن: بعد بكره يعني؟

طيب ماشى كويس تنوروا.

_____#الكَاتِبَة_أَيَة_أَحْمَد_أَبُودَاعُوس_____

(تاني يوم الصبح)

والدة شجن: شجن بينتي ، أهل أمير جاين بكره يتفقوا .

شجن بتقول لنفسها بسرعة كده ؟ ، حتى مقعدتش معاه أشوف هيكون في تفاهم بينا ولا لأ! ، وبعدين ردت على والدتها: تمام اعملوا اللي شافينه مُناسب .

وطول اليوم شجن دماغها مش فيها ، عقلها بقا عبارة عن ساحة صراع هتتفجر من كتر التفكير ، ازاي دول أهلي! ، ازاي بيضحوا بيا وحتى مش مديني وقتي أستوعب اللي بيحصل ، كله ورا بعضه ورا بعضه ، دا انا حتى بنتهم

الوحيدة المفروض يكونوا مقدرني أكثر من كده ، أنا لو حد غريب كان زمانه حس بيا ، والمشكلة إن مفيش سند دلوقت ليا ، بابا عشان ينقذ شغله وحياته وعشان بيتنا ميضعش مننا ،أضيع أنا ويضحوا بيا !.

والدة شجن: تعالي يلا إتعشي يا شجن

شجن: لأ مليش نفس ، انا تعبانه شوية ومحتاجة أنام ، وهي ولا النوم بيزور جفونها قبل الفجر من كتر التفكير وأنها تقعد تدعي ربنا وهي بتصلي يخفف عن قلبها ويصبرها، ويعوضها بالفرح والخير .

(شجن إفتكرت مرة واحده كلمة شادي أخوها وهو بيقول إن والد شادي عليه إستفهامات وقعدت تقول لنفسها يا ترى الرجل دا بيعمل إيه ولا حياته ماشيه إزاي ؟ ، بصته ليا وأنا بقدم الحاجة الساقعة غريبه ، مفيش فرحة في عينه نهائي ، بيبص لأمير وهو ماشي بحقد ولأم أمير طنط " عادة " بعدم اهتمام ولا اكن أب بيجوز إبنه خالص ، حاسه إنه عملي زيادة عن اللزوم ومبيهموش المشاعر .

_____ #الكاتبة آية_أحمد_أبوداعوس_____

(صباح يوم الخميس)

والدة شجن: يلا عشان تجهزي يا شجن الناس جايا بعد المغرب والظهر خلاص قرب يأذن أهو.

شجن: أجهز إي دلوقت ؟ ، هو انا رايحه اتجوز !، سبيني أنام بقا شوية سبيني أنا مينمش ولا هو كل حاجه بقت بالغصب كده!.

والدة شجن: طيب بينتي براحتك .

شجن بتقول لنفسها: معنتش بحس إنكوا أهلي.

أهل العريس جيهم وكان أمير جايب معاه بوكية ورد لونه أحمر وريحته روعة وشجن بتعشق اللون الأحمر ، وجابلها إنسيال هدية .

أمير أول م شجن دخلت عينه كلها بقت نور ونظره كله عليها وضربات قلبه بتعلّي أكن صوت طبول وقالها : شجن شجن أول مرة تسمع صوت أمير كويس وهو صافي كده ومفيش غيره بيتكلم وأول مره تسمعه بيقول إسمها بصتله وهي قلبها بينبض ومش مُتخيلة إزاي اسمها حلو أوي كده وهي متعرفش ! ، ازاي صوته حلو أوي كده وكله رجولة ممزوج بحنان وقالت : نعم

أمير: إتفضلي

فقاطعهم عادة والدة أمير وقالت : مش نسيب العرسان بقا يقعدوا مع بعض شويه ولا اي رأيكم؟.

والد شجن وشادي أخوها: أيوه كلامك مطبوط تعالوا نقعد إحنا في الصالون .

شجن بعد ما خرجوا قالت لنفسها والله مامتة دي فعلاً جميلة زي ما قولت عليها حتى ست شيك وزوق وبعدين قالت لأمير: إي دا بقا ؟

أمير: زي م انتي شايفه ، ورد وإنسيال ، حاجة مش قيمتك خالص بس أتمنى تعجبك يا شجن.

والدة أمير : واحنا حددنا كل حاجة إن شاء الله الشبكه بكره شجن تروح تختار أحلى حاجة تعجبها وتلبسها يوم السبت والفرح بعد شهر من دلوقت واللي هما يقدروا يجيبوه في الوقت دا إحنا معدناش أي مُشكلة ، احنا كفايه بالنسبه لينا إحترام واخلق وجمال شجن عاوزنها بشنطة هدومها بس كده .

شجن إتصدمت من المدة شوية لكن خلاص عادت باردة ومتوقعة كل حاجة من أهلها وأنهم هيوافقوا على أي حاجة ومش هيقولوا لأ وقالت: شكراً يا طنط عادة ربنا يبارك في حضرتك يارب .

والدة أمير باست شجن وقالتها: إنتي فرحة حياتنا يا شجن ، وهنتقي مرات إبني الوحيد.

(ومشيو أهل أمير) .

_____ #الكاتبة آية أحمد أبوداعوس _____

(شجن دخلت تصلي وبعد ما صلت دخلت تنام ، لكن قبل ما تنام مسكت فونها ، لكن شافت رسالة على فونها ، خلت الأمل والضحكة ترجع لوجهها من ثاني وأخيراً بعد فترة نكد وكبيرة لأول مرة تضحك ثاني من قلبها.)

لكن إتفجئت إن في رسالة من رقم غريب والكلام من بره كده بيدل إنه أمير فتتحت الرسالة لقت أمير كاتب:كنت زي القمر النهارده يا شجن ، عمري ما شوفت بنت بجمالك ، لون عيونك العسلي كانت عامله زي الشمس بتلمع وكلها براءة وحنان ، بس لي بشوف في عيونك حزن وكلامك بعض الأوقات بيكون فيه غضب يا شجن ؟ ، صحيح أنا أمير أكيد عرفتي من كلامي وسجلي رقم جوزك المُستقبلي عندك يا هانم ههههه.

شجن إبتسمت من كلامه الجميل وإنه مركز في أدق تفاصيلها كده مع إن دي أول مرة يقعد ويتكلم معاها وقالتله: إي دا أنت مطلبتش الرقم مني ، جيبته منين بقا على كده؟

أمير: بينتي قولتلك ظابط بقا

شجن وهى بتضحك كتبت: أيوه أيوه زي الورد الأحمر كده !.

أمير: شطورة بدأتى تمشي معايا على الخط أهو يا فرحة حياتي .

شجن بإستغراب لكن فرحانه جداً من الجملة وقالت: فرحة حياتك ! ،أنا إسمي شجن مش فرحة يا حضرة الظابط .

أمير: أولاً أنا مش حضرة الظابط ، أنا معاك أمير حاف كده، ثانياً بقا ودا الأهم، أنا من يوم ما شوفتك يا شجن مش عارف أستوعب إزاي حد بجمالك وشك البشوش اللي يدخل الفرحة على قلب أي حد يكون إسمه شجن، حقيقي اللي سماكي كده ظلمك بينتي .

شجن: مش يمكن إسمي بيدل على قدرتي مش على قبولي عند الناس !.

أمير: دراما كوين في نفسك أوي هههه ، مش قولتلك في حزن في عيونك مش عارف سببه ، لكن حابه تتكلمي في أي وقت هكون موجود دائماً ليكي يا شجن.

شجن: لأ أبداً مفيش حاجة ،ومعلش هفقل أنا بقا وأناام .

أمير: طيب قولي تصبح على خير حتى يساثر منك .

شجن: ههههه تصبح على خير .

شجن بتفكر هتلبس إي عشان تجهز هدمها والعطور اللي هتستخدمها وبعدين فتحت الدولاب لقت قدامها فساتين كتير منهم أزرق بتحبه جداً وبيخليها حورية ففكرت تلبسه ، لكن إفتكرت كلام أمير ثاني وإنه هيزعل وقالت: مش حابه أزعله ، هو ملهوش ذنب في قرار أهلي إنهم غصبوني ولا بشخص زبالة خذلني في اول مرة أحتاجته فيها في حياتي وكسر قلبي بعد ما وثقت فيه، المفروض أبدأ بداية وحياء جديده مع نفسي ومعاه لأن هعيش معاه أكثر من أهلي لو ربنا كاتب ليا عُمر ، فحرام أظلمه وهو إنسان في غاية اللطف والرُقي.

ولبست شجن الفستان الأحمر اللي حرفياً كان هياكل منها حتة وكانت فيه زي الأميرات .

أمير جيه وأول ما شافها وقف وسرح وعيونه كلها فرحه ونور بحبه لشجن وفرحته إنها رغم قساوة كلامها معاه لكن بدأ يشعر إن قرب يكسب قلبها وإنها مزعلتهوش وقالها: فرحة حياتي منورة بالأحمر ، ممنون ليكي جدا يا شجن إنك مكسرتيش خاطري ولا كلامي ، شوفي إنتي دلوقت يا شجن ، أحلى من كل الورود الحمراء اللي في العالم يا أميرتي.

شجن عيونها دمعت من كتر الفرحة وقالتله: أنت كمان يا أمير جميل أوي ورائحة عطرك رائع بجد.

أمير بيقول لنفسه إي دا أخيراً نطقتي حاجه يا شجن مش مصدق نفسي وقالها: أقل حاجة عندي .

شجن: هههههه طيب بس براحة على نفسك يا حضرة الطباط مش كده .

أمير: عنيا يا أميرتي، بس لأ الأحمر على الأسد بيمنع الحسد يعم الله أكبر ، مش يلا بقا ولا إي عشان منتأخرش وألحق أرجع القاهره قبل العشاء عشان عندي مأمورية مهمة جداً وخطيرة.

شجن قلقت وقالتله: خطيرة إزاي يعني ! ، مأمورية إي دي ؟.

أمير: إي دا إي دا ؟ هو القمر بيقلق علينا بقا ولا إي ؟، عادي يستي ناس تجار سلاح بقالنا فترة متبعينهم وهنعملهم كمين النهارده ، يلا بقا .

شجن بكسوف: لأ خالص مش قلقت كنت بفهم بس ، تمام، ربنا يعينك ويحميك، يلا.

_____#الكاتبة_آية_أحمد_أبوداعوس_____

(إختاروا الشبكة وأمير روح شجن البيت وسافر القاهرة وقالها لما أخلص شغل هظمنك)

شجن: تمام خد بالك من نفسك.

أمير راح المأمورية وفعلاً خطيرة جداً وكلها ضرب نار وناس مجرمة الدم عندها زي الماية ، والساعة عدت 12 بالليل ، وشجن بتفتح تلفونها كل شويه قلقانه بعد ما صلت قيام الليل وقعدت تدعيه كتير أوي إن ربنا يحميه ، ومسكت تلفونها تشوف في رساله منه ملفتش حاجه ، قلقت أكثر لكن مكنتش جايلها نوم ، وأول مرة تقلق على حد أوي كده وتخاف عليه ، أول مرة يكون قلبها واكلها على شخص المفروض إنها مخصوبه عليه ، لكن بعد ما شافت حنانها معاه وإنه بيحسسها بقيمتها وانها اجمل بنت في الدنيا ، قلبها بدأ يتقبله ويعزه .

شجن وهي هتموت من القلق والساعة بقت 1ص : هقوم أصلي كمان رقتين وأدعي لأمير فيهم ، أنا بجد خايفة يكون حصله حاجة بعد الشر، ربنا يحميه يارب عشان حتى خاطر طنط غادة دا إنها الوحيد وشكلها روحها فيه.

شجن فضلت تدعي كتير اوي لأمير ، واول ما خلصت صلاة لقت التلفون بيرن .

شجن يدوب سلمت وجريت على التلفون: ألو ؟

أمير: يا فرحة حياتي ، يا خسارة عُمرِي اللي قضيتَه منغير يا يكون موجود فيه العيون اللي تسحر ، والخدود الوردية اللي تدوب ، والصوت الهادي اللطيف ، والبسمة اللي تهوس)

شجن شافت أمير متنح لها وإبتسمت وقالت في نفسها: إي الشب الطول بالعرض الوسيم دا ! ، معقول ربنا كان شايلي الجمال دا كله بعد وجع القلب اللي إتعرضتلَه دا من أهلي قبل أي حد !، معقول في حد لسه عيونَه مليانه حنان وحب كده !، معقول لسه في شاب زي أمير كده ! ، دا بيتعامل معايا أكن بنته قبل ما أكون خطيبته ، أكن أميرة وهو أمير، مالك يا شجن إنتي هتخيبي ولا إي ، هو كلام هدى صح وإنتي وقعتي ولا إي ؟ ، بس الشعور اللي جواكي لأمير وضرباب القلب والانبهار بكل حاجه فيه دا مكنتش موجود مع علي ! .

أمير قطع تفكيرها ومسك إيدها وباسها وقال: كل مرة بشوفك بكون مبهور بيكي يا فرحة حياتي ، أكن كل مرة بتكون أول مرة يا شجن.

شجن مبهورة بالحركة اللي عملها وصوت الطبول طالعه من قلبها قبل ما تكون حوايلها من كتر التوتر وقالتله: أنت جميل أوي يا أمير ، وعيون أول مرة أخذ بالي إنها جميلة أوي كده ، أول مرة أشوف حد مميز في كل حاجة كده يا أمير.

أمير : مميز بيكي يا شجن.

شجن إبتسمت وقالت لنفسها: هو دا اليوم اللي كنت خايفه منها ومتوقعة في الأول إن هيكون يوم تعيس ! ، طلع أحلى يوم عدى عليا لحد دلوقت ، أنا بجد ربنا عوضني بأمير ، وفعلاً أهلي مبعونيش بالعكس قدروني صح ، أي نعم شايله منهم لأن كان هدفهم إنهم يحلوا مشكلتهم بخطوبتي لأمير ، لكن سبحان الله ، (وعسى أن تكرر هوا شيئاً وهو خير لكم).

_____#الكَاتِبَة_آيَة_أحمد_أبوداعوس_____

(الخطوبة خلصت وأمير روح بيته ، والمعازيم وكل الناس كان مبهور بجمال الاتنين)

هدى بالليل بعد ما روحت بيتها بعنت لشجن واتساب وقالت: كنت أجمل عروسة شافتها عنيا يا شجن ، وكمية الحب اللي طالعة من عيون أمير ليكي متنوصفش ، وهو زي القمر اللهم بارك إنتوا الاتنين لايقين على بعض ، وعاوزه أقولك يا شجن ، عيونك كلها حب لأمير بس إنتي مش واخده بالك ، بلاش تضحكي على نفسك وبلاش تضيعي أمير منك، اظن الحب اللي في عيونكوا لبعض مش هشوفه تاني في عيون حد بيحب زيكوا ، إدي نفسك فرصة يا شجن وهو كده كده خطيبك أهو ، يعني ولا هيكون فيه فراق ولا شجن يا شجن.

شجن ردت وقالتها: مش عارفة يا هدى ، بس فعلاً أول مرة أحس الإحساس اللي جوايا دا لحد ، عيوني عليه طول الوقت غصب عني ، أكن مش شايفه غيره موجود من المعازيم حواليا ، أكن عاوزه أروي قلبي من جمال ملامحه ، في حاجة غلط ، انا مش فاهمه نفسي ، بس حاضر يا هدى هحاول .

أمير رن على شجن: فرحة حياتي اللي بقت خطيبتي رسمي ، وجمالها خطف كل الأنظار النهارده، مش عارف أوصفلك هنا حبوكي إزاي ، طبعاً مش أكثر ما أنا بحبك يا شجن .

شجن قلبها دق وإتفاجئت وقالت: بتحبني !؟!

أمير وصوته كله حب وحنين لشجن: أبوه طبعاً بحبك يا شجن ، ومستحيل أحب حد بنفس الحب اللي بجهولك دا ، أنا من يوم ما شوفتك وإنتي خاطفة قلبي يا شجن ، عمري ما تخيلت بنت تيجي تلغبط كياني بالشكل دا زي ما أنتي عملتي ، وبردو عمري ما كنت اتصور إنك اسمك شجن ، فكرت إسمك جميلة ، أميرة ، آية ، بسمة

يعني اسم من الأسماء اللي بدل على جمال صاحبها دول ، لكن بجد اسمك ظلمك خالص ، فأنا من هنا و رايح هقولك يا فرحة .

شجن: بتحبي إزاي وأمته يا أمير! ، وبعدين مش قولتلك يمكن إسمي بيدل على قدري مش قبولي عند الناس .

أمير: مالك يا شجن ، لي حاسس إنك دائماً متوقعة إن قدرك وحش! ، لي بحس في حزن في عيونك ، رغم جمال عيونك لكن لما بسرح فيها بحس إن فعلاً اسمك شجن ، إي مخليكي كده يا شجن.

شجن: مفيش يا أمير والله ، هو إحساس بس مش أكثر ، قولي بس عرفنتي إزاي وأمته .

أمير: طيب إركني الإحساس دا على جنب كده وبلاش تشاؤم يا شجن ، من النهارده مش عاوز أشوف حزن في عيونك إتفقنا؟.

شجن: إتفقنا .

أمير: شطورة يا فرحة حياتي ، هحكياك بقا عرفتك إزاي .

شجن: ياريت

أمير: بصي يستي ، إنتي مرة كنت رجعة من الكلية بتاعك وأنا كنت راكب معاكي من أول مواصله خالص عشان كنت نازل مأمورية ولازم بقا أعمل فيها واحد من الشعب وكده عشان أعرف أجيب أخبار ،ولما شوفت أسلوبك و الموقف اللي عملته بجد جذبيني أوي يا شجن ، وقولت عمري ما شوفت بنت جريئة كده، ولازم أعرف مين دي .

شجن: أمته دا ، وليه هو أنا عملت إي يومها؟ ، بس أنا أول مرة أشوفك عندنا هنا في البيت .

أمير: ما أنا عارف انك مشوفتنيش وقتها ، أنا كنت راكب في الكرسي اللي وراكي ، وانتي بقا يستي كنت قاعدة جنبك الشباك ، وجات ست كبيرة عاوزة تركب بس مش قادره تطلع ، محدش من اللي قاعد قريب من الباب مد إيده ليها ، لقيناك انتي مديتي إيدك وساعدتها ، ولما جيهم يلماوا الأجرة الست دي قالت للسواق إنها مش معاها تدفع لأن ظروفها وحشه وإنه ممكن يسامحها وكده ، فالسواق وقف العربيه وزعق للست دي جامد أوي ونزل كان عاوز ينزلها ، اول ما جيه يمد إيده يشدها ، روحتي انتي حطيتي إيدك قصاده وقولتيله هو أنت مبتحسش ، دا الست بتتراجك تسامحها وأنت عاوز تنزلها في وسط الطريق ! ، راح هو شادد معاكي انتي كمان وقالك إنتي مالك يا أنسة ، فإنتي وقتها قولتيله: انا مالي إزاي يعني ، دا ست كبيرة قد والدتي ، ولو هتنزلها أنا هنزل معاها أنا كمان ، ف هو إتجرح وقالك خلاص يا انسه وراح يسوق ، روحتي انتي طلعتي أجرة للست من معاكي وقولتيله إتفضل يسطا فلوسك حقا بردو ، فهو إتكسف من نفسه وبعدين أخذها ، فأنا نزلت معاكي مرضتس أركب المواصلة بتاعتي وركبت معاكي العربيه اللي انتي ركبتها ، لحد ما وصلت معاكي بلدك ، عشان كان نفسي أعرفك وقولت تغور بقا المأمورية دلوقت المهم أعرف مين البطل دا ، وبس يستي جيت معاكي البلد وعرفتك ، وإنتي شخصيتك وطريقتك جذبتني قبل ما أشوف شكلك حتى ولما شوفت شكلك إنبهرت به ، بجد يا شجن سحرتيني ، واحترامك في حشمتك ، وزوقك مع الناس ورحمة قلبك خلت قلبي القاسي يعرف معنى الرحمه ، وبس عرفت بيتكوا بقا ولسجن الخط والدي أصله من الأرياف من قرية جنبكوا وطلع عارف عيلتكم وعرف والدك وإتقدمنا سبحان الله ..

شجن: إممممم إفتكرت الست دي ، وقتها أنا قعدتها جنبني، كانت ست لطيفة خالص وغلبانه بجد صعبت عليا اوي ، طيب صح إي بقا عرفك الورد الأحمر والفستان الاحمر وكده.

أمير بضحك: يومها انتي كنت لابسه أحمر يا ناصحة لو فاكروه وعشان كده قولت بتحبي أي حاجه حمرة ، لأن واضح كمان الاحمر بيحبك هو كمان كان مخليني برنسيسة ، والقلوب عند بعضها وكده يعني ههههه ، وبس يستي

على بقا ما فتحت الموضوع معاهم هنا ، كنت كل يوم في بالي ومش قادر أفكر ولا أشوف حد يكون نصفي الثاني غيرك ،وقولت خلاص البطل دا مينفعش يكون لحد غير حضرة الطابط أمير ماهر .

شجن بضحك: هههههه ماشى يا حضرة الطابط فهمت الموضوع ، وسبحان الله عملت خير ، ربنا شكله عوضني بالخير أهو.

أمير : إي دا ؟!، يعني إي دا بقا ؟! إنتي بتحبييني يا شجن ؟!.

شجن إتكسفت وإتلغبطت ومش عارفه ترد تقول لأمير إيه ، لكن قلبها دق جداً ومش عارفة تستوعب السؤال ولا عارفه تجاوب تقول إي..،

أمير: ردي يا شجن عليا ، عاوز أعرف .

شجن مرة واحده بدأت تركز كده وتهدى وقالت:.....

أمير: رُدي يا شجن عليا ، عاوز أعرف .

شجن مرة واحده بدأت تركز كده وتهدى وقالت: لأ يا أمير.... وقبل ما تكمل كلامها أمير قاطعها وقالها: لأ ؟!، معقول مبتحبيش يا شجن!.

شجن: أنت عاوزني أضحك عليك ولا على نفسي يا أمير ؟، أنا ملحقتش لسه أحبك ، لو أنت عارفتي من شهر فأننا لسه عرفاك من أسبوع بس ، مقعدتش معاك غير مرتين تلاته ، اكيد في إستلطاف وبعزك وبحترمك لكن حب اللي هو حب بجد وكده لأ بصراحة مش عارفه لسه .

أمير: خدي وقتك، كده مع بعض طول العمر يا فرحة حياتي مش كده ؟.

شجن ردت وهي فرحانه من الكلمه وحست بسلام داخلي إنه شخص مُتفهم وقالت:أكيد طبعاً صح يا أمير .

(وعدت الأيام وبدأ حب شجن يكبر في قلب أمير وبدأ أمير يسيطر على قلب شجن بمواقفه وأفعاله اللي كلها رجوله وحنان ، وإنه محسبها طول الوقت إنها ست البنات وإنه مش شايف غيرها ، ومقدرها صح وخلاص معدش غير أيام على الفرح)

أمير بيرن على شجن الصبح يصحبها كالعادة وقالها: إي يا فرحة حياتي ومراتي قريباً ، خلاص فرحنا كمان يومين بس يا شجن إنتي متخيله إن الشهر دا عدى هوا كده ! ، وإن خلاص بعد ما بصحى على صوتك هصحى على وشك وملاحك الطفولي اللي شبه الملائكة

شجن ردت بفرحة: أيوه يا أمير مش مصدقه بجد ، بس فرحانه إن الشخص اللي ربنا إختار هولي هو أنت يا أمير ، مكنتش هلاقي افضل منك ليا في الدنيا دي .

أمير: لأ لأ مين بيتكلم ! شجن اللي بتقول الكلام دا !

شجن: هههههه أيوه شجن ، يلا هقوم أنا بقا عشان في حاجات كتير عاوزه أجهزها وأنت كمان قوم يلا يا أمير إستعد عشان فرحنا .

أمير: عنيا يا ست البنات ، خدي بالك من نفسك .

_____#الكَاتِبَة_آيَة_أحمد_أبوداعوس_____

(وجيه اليوم الموعود ،أحلى يوم في حياة شجن من يوم ما إتولدت ، وأمير هيطير من السعادة إن أخذ البنت الوحيده اللي قلبه دق ليها وخلص هتكون معاه طول العمر وشويه ويكتبوا الكتاب وتكون مراته)

(شجن زي الملكة في فستانها وفراشة في روحها الجميله والفرحة كانت باينه جداً على ملامحها ، وأمير كان زي القمر وأنيق كالعادة بس النهارده زيادة شويتين ، عيونه كلها فرح بدموع)

أمير أول ما شاف شجن سرح في جمالها وقالها: معقول في حد جميل بالكشل دا ! ، معقول القمر دا كله هيشاركني حياتي بلحوها بمُرّها ! ، أخيراً يا شجن هتكوني مراتي .

شجن: إي القمر دا يا أمير ، دا أنا مبهورة بجمالك وأناقتك أكن شايقة أمير من أمراء ديزني ، وأيوه يا أمير يا أخيراً هكون مراتك .

(وكتبوا الكتاب خلاص شجن بقت مرات أمير ، أمير باس دماغها قدام كل الناس وباس إيدها وعيونه كلها دموع وقالها: أوعدك إن مفيش غيرك هيدخل قلبي يا فرحة حياتي ، وطول العمر هتكوني في عيوني وعلى دماغي ، مستحيل أقصر معاكي أو أهملك في اى وقت بقصد ، بحبك يا شجن.

شجن عيطت من الفرحة وأخيراً ذاقت طعم العوض والفرحة ،وأخيراً ربنا جبر قلبها بعد صبر ووجع كثير وخذلان وإن حد زي أمير بجماله بأخلاقه بحبه ليها بمركزه مش شايف غيرها ، وإن من القاهرة وهي من قرية بسيطة لكن قطع المسافة دي كلها عشانها هي بس وقالته: بحبك يا أمير ، وأول مرة أحب بجد ، وأول مرة أحس بالإحساس دا تجاه حد ، وأول مرة أدوق عوض ربنا ، وأول مرة أشوف إن أهلي فعلاً مبعونيش وإن إختيار الأهل دائماً صائب بس إحنا اللي نظرنا محدوده للأشياء ، بحبك يا أمير.

أمير واقف مزهول وحضنها وقالها: بجد يا شجن !؟، أنا مش مصدق ودني .

شجن: لأ صدق اللي سمعته يا أمير .

أمير: لا معلى لازم أتأكد ، قولها تاني كده .

شجن: بحبك يا أمير.

(والناس كلها بتصفق فرحانه وزغاريط الفرحة مالىه المكان وأصحابها عيونهم دمعت ،هدى جات جنبها ووشوشتها بصراحة كده وقالتها: من باب الإنسانية ها... مش عليا يا شجونتي ، دا أنا من يوم ما شفتكوا في الخطوبه جنب بعض عرفت إنكوا مخلوقين ودابيين في بعض .

شجن: يخرابي عليكي يا دودو دا انتي فطيعة ، ومرة عنيتها جات على حد وإتصدمت وإتفاجئت من اللي شافته وقالت ل هدى إي دا ، هو مين جابه هنا دا .

هدى: قصدك علي؟!.

شجن: أيوه إي جاب الحيوان دا هنا؟! ، دا ملهوش علاقه بينا .

هدى: بينتي دا هنا من زمان وواقف عيونه عليكي من أول ما جيتي منزلك عينه وأنا ملحظه ، بس انتي مضايقة ليه كده يا شجن منه .

شجن: هو مين أصلاً بينتي عشان أضايق منه ، دا نكرة بالنسبه ليا ، بس هو عيل تتح كده ، ما إنتي عرفاه معنا في الدفعه

غادة والدة أمير عماله تبوس في أمير وتقول له مبارك بيني عروستك زي القمر .

شجن: يا دودو يا قمر ، عامله اى يروحي .

غادة والدة أمير: بخير يروح قلب دودو ، إي الدلال والجمال دا ، عمري ما شوفت عروسه جميله وصغنونه وتدخل القلب زيك يا شجن.

شجن باستها وحضنتها وقالتها: أنا ربنا بيحبني لأنك حماتي ومامتي الثانية يا دودو والله .

والد أمير: مبروك ليكم يا عرسان ، وعقبال ما نفرح بعيالكم بقا .

أمير وشجن: بإذن الله ، الله يبارك فيك.

شجن قطع ضحكها وكلامها مع الضيوف علي اللي لمحتة داخل البيت ومعاها ست لكن شكلها مش مُريح منتخبرش عن ماهر والد أمير بالظبط ، نفس النظام مرتحتهاش، ونظرات الست دي على قد ما كلها فرح وسعادة وهتاكلها هي وأمير بعيونها ، وماليه وشها ميكب رغم سنها ، ولبسه لبس مش مناسب لسنها ومجوهرات كثير .

شجن إستغربت وسألت أمير: مين دول يا أمير ، شوفت الولد دا امبارح في الفرح بردو ، هو تبع مين ؟.

أمير: دا تبعنا يا شجن، عيلتهم أصدقاء العيلة وقريبين مننا جداً ، تقريباً وعيت على الدنيا لقيت علاقتنا ببعض كده ، معرفش بدايتها منين بس هما ناس لذاذ جدا وهتحبهم ، ودا علي ، هو واد رخم كده وبتاع بنات ، إوعي يجي يهزر في وقت أو حاجه وتخليه ياخذ عليك ، لأن بأمانه مش بحبه أوي بسبب سلوكه وإنه بيعرف بنات ويضحك عليهم ، وعایش بفلوس أبوه وأمه على الرغم إن حالتهم المادية في آخر فترة شبه معدومة بس بفهمك الوضع يعني.

شجن مصدومه إن علي طلع صديق أمير و العائلتين قريبين من بعض وعلطول مع بعض وقالت: تمام يا أمير حاضر.

علي: ألف مبروك يا حضرة الظابط، الله يسهلك يعم واخذ قمر .

أمير أضايق وقاله: دي مراتي ، خد بالك من عنيك قبل لسانك تمام ؟.

علي: إي يعم دا أنا بنكشك ،انت بتغير بقا هههه، خلاص مش متكلم حقك بردو .

علي بيقول في نفسه : دا البت قمر إزاي سبتها من إيدي تضيع كده ، بس تمام لسه معانا الوقت ، وهوقعك من تاني مهما كان ، أنا معرفتش إن بحبك و عاوزك أوي كده غير لما شوفتك امبارح في الفرح عامله زي الأميرات .

شجن لاحظت إن عيون علي مش بتتشال من عليها وإضيقت جدا من الوضع لأن هي حالياً واحده متجوزه وشايله إسم راجل ، وغير كده بتضايق من نفسها لو عنيا جيت عليه بالغلط حتى ، لكن قطع تفكير شجن صوت سُعاد أم علي وهي بتقولها : إي الجمال دا يا عروسة ، مش هتيجي تسلمي عليا بقا!، أنا طنط سُعاد والدة علي.

غادة والدة أمير: لأ إزاي بقا يا سُعاد هانم ، هتسلم طبعًا ، تعالي يا شجن.

شجن إستغربت من الطريقة شويه وحست إن والدة أمير خاضعة لسعاد دي شويه لكن قالت عادي وسلمت عليها .

_____ #الكاتبة آية أحمد أبوداعوس _____

اليوم خلص وجيه الليل وأمير وشجن طلعا فوق ، وعمال يغازلها ويقولها إن هي قد إي جميلة ، وإن محظوظ بها، وإن عيون الناس من شدة جمال شجن مستغربين إزاي لقيت حد بالجمال والأخلاق دي ، رغم إن معظم الموجودين

حولهم مش محجبين ، ويعتبر شجن الوحيدة في البيت اللي محجة لأن عادة والدته مش محجبه ولا سعاد والدة علي ، لكن هي أجمل واحده شافها أمير ، وكانت ملكة بحجابها وسط الحاضرين وخدودها الحمراء ، وفسنانها الوردي اللي كان هياكل منها حته .

ومرة واحده عدى طيف خفيف على شباك بلكونه شجن وأمير ، لكن أمير مأخذتش باله ، قامت شجن وهي خايفه لكن مرضتتش تقلق أمير ، وقالتله: تعالى نقف شويه في البلكونه يا أمير.

أمير مسكها من إيديها وقالها: هو دا وقت بلكونه يعم العسل أنت ، انتي وحشاني يا شجن .

شجن عاوزه تعرف مين اللي عدى ولا إي اللي عدى وقالت: معلش بس 5د حتى نتهوئ شويه ، ومرة واحده سمعوا صوت حاجة بتقع بصوت عالي .

أمير قام بسرعة يشوف في اى من البلكونه وشجن دخلت معاه البلكونه وسمعت صوت جاي من ورا الشجر اللي في الجنيئة وقالت لأمير: في صوت جاي من ورا الشجر يا أمير.

أمير: طب هنزل أشوف إي دا .

شجن خافت عليه وقالتله لا ، قول لعمو حسن الجنائني يشوف مين ، هو إزاي دا كله محسش بحاجة .

أمير: إحنا دلوقت الساعة 3 الفجر يا شجن ممكن يكون الراجل نام الله يكون في عونه طول اليوم مش بيغفى له جفن .

شجن: طيب أدام مُصر تنزل أنا جايا معاك .

أمير: في إي يا هانم ! ، جوزك ظابط هو أنا هخاف ولا إي ؟.

شجن: انا خايفه عليك ، مليش دعوه جايا معاك .

ونزلوا تحت بسرعة يشوفوا إي دا ، وقربوا من الشجره اللي شجن سمعت منها الصوت ومعاهم الكشف ومره واحده لقوا قطعة عملت صوت عالي "خوووووو" في وشهم وشجن من كُتر الرعب حضنت أمير وكانت هتعيط .

أمير بضحك وحنبه عليها قالها: شوفتي يستي أدي اهو طلعت قطعة ، وباس إيد شجن وطمنها لأنها اضطربت من صوت القطعه ودخلوا الفيلا .

لكن وهما طالعين أوضتهم لقوا ماهر والد أمير طالع مرة واحده في الصالون قدامهم .

أمير بإستغراب: بابا !!! ، حضرتك بتعمل إي دلوقت هنا ؟ وإحنا نازلين حضرتك مكنتش موجود.

ماهر بإرتباك قال : أبوه بيني ما أنا سمعت صوت قولت أنزل أشوف في إي.

شجن مش مرتاحه خالص لأبو أمير وقالت: لأ يا عمو دا طلعت قطة .

وهما طالعين فوق وشجن مش مرتاحه لأبو أمير وبتركز فيه جامد وبتبص على الأرض وهما طالعين لقت أثر طين مكان شيشب ماهر أبو أمير اللي هو لابسه على الرغم إنه مطلعش بره !!!! .

شجن وقفت مصعوفة من الخضة وعرفت إن أبو أمير كداب وإن منزلش عشان سمع صوت ولا حاجة ، هو كان بره أصلاً ، ويمكن هو اللي عمل الصوت اللي هي سمعته فوق من البلكونة ، بس لي يكذب ويقول إنه منزلش

الجنيئة وإن لسه نازل دلوقت أول ما شافنا !!.

أمير: مالك يا شجن في إي؟! ، وقفه وميرقة ليه كده؟! .

والد أمير إتوتر أكثر وظهر عليه أثر الخوف ، وبص لشجن بإستعطاف وقالها: مالك بينتي؟!.

شجن مره واحده قطعت صمتها وهي بتبص لوالد أمير بجرأة وقالت:.....

لأ أبداً يا أمير عطشانه بس داخله أحيب مايه من التلاجة ونطلع .

(شجن وأمير طلعا فوق واتفقوا إن خلاص هيسافروا ذهب يقضوا أسبوع هناك قبل ما أجازة أمير تخلص ، لكل كل تفكير شجن في والد أمير لي هو كذب! وأثر الطين ده جاي منين ولا هو كان بيعمل إيه عشان كده شبشبه كله طين!)

(ثاني يوم الصبح شجن و أمير مسافرين وخلاص بيودعوا الكل، شجن جواها فلق لكن بردو مطمئنة لأن أمير معاها ورفيق دربها المرة دي)

والدة أمير: خد بالك من نفسك بيني ، وخدي بالك عليه يا شجن ، أول ما توصلوا طمنوني .

أمير : حاضر يا ماما متقلقيش ، ما إحنا معانا السواق والدنيا كويسة متحمليش هم ، خدي بالك انتي من نفسك يا ست الكل.

شجن: متقلقيش يا ست الكل أمير في عنيا ، بس هو فين عمو مش باين ؟ .

والدة أمير إرتبكت وقالت وهي بتفرك إيديها : راح يخلص شويه ورق كده في البنك عشان كده مش هيعرف يسلم عليكوا معلش .

أمير: طب تمام يا حبيبي هتعوزي أي حاجه نجبهالك من هناك ؟ ، عشان بس متأخرش يلا يا شجن.

والدة أمير: لأ يا حبيبي خد بالك من نفسك ومن شجن.

(أمير وشجن ركبوا العربيه وكانوا فرحانين جدا ، وشجن نايمه في حضن أمير وعماله تتأمل عيونه وبتقوله : كل مرة ببص لعيونك يا أمير بحس إنها عميقه أوي وبتسحرني .

أمير: عميقة بغرامك يا فرحة حياتي ، وقطع كلامهم مره واحده عربيه بتحاول تخبطهم .

أمير: حاسب حاسب يسطا، العربيه دي ماشيه ورانا من بدري وانا واخذ بالي ، بس لي بتحاول تزئق علينا ؟ ، مين دا؟

شجن وهي ماسكه في أمير جامد وبتقوله: هو انت ليك أعداء ولا حاجه يا أمير ؟ ، هو ممكن يكون حد قاصد ! .

أمير: لا أبداً دا حتى في الشغل محبوب جداً ، ومره واحده جات عربيه كبيره فصلت بين العربيه اللي بتزئق عليهم وبين عربيتهم.

السواق: علفكره يا فندم دي مقصوده .

أمير: لاحظت بس تمام كمل وركز في طريقك .

(أمير وشجن أخيراً وصلوا وأخذوا شاور وناموا من تعب الطريق ، شجن صحيت آخر اليوم مفزوعة وبتقول : يا خبر ، مكلماش طنط ، هتلاقي قلقانه علينا جداً ، ومسكت تلفونها عشان ترن عليها وتطمئنها ، لقتها رنت عليهم فوق ال30 مره .)

شجن : ألو يا طنط ، احنا أسفين والله جينا مُرَهَقِين جداً يدوب اخدنا شاور ونمنا والفون كان صامت ، حتى أمير لسه نايم اهو بس قولت أطمئنا .

والدة أمير: فلفتوني عليكموا جداً بينتي وقلبي كان مقبوض ، بس الحمد لله إنكوا سالمين .

شجن: لما أمير يصحى هخليه يرن على حضرتك وانتي اطمئي احنا بخير .

والدة أمير: قلبي مقبوض بينتي خدوا بالكوا من نفسكوا .

(أمير صحي وكلم مامته يطمئنها وحكم على شجن تقفل تلفونها عشان يستمتعوا بالاجازة ، وقضوا الاسبوع مع بعض وأمير جاب لشجن هدايا كتير جدا في الوقت دا وحبهم لبعض زاد جدا ، وشجن عرفت في الوقت دا إن أمير بيغير عليها أووووى من نظراته عليها لما حد بس عينه تيجي عليها وأنه حريص على لبسها يكون واسع ومن مسكته ليها طول الوقت مش ببسيبها من إيده ، والأجازة خلصت خلاص هينزلوا القاهره بقا)

(أول ما وصلوا البيت لقوا الدكتور خارج من القيلا ، أمير خاف جدا وجيه في باله والدته ليكون حصلها حاجة أو والده .

وشجن قالتله: في إي يا أمير مالك ؟ ومين الراجل اللي خارج بالعربية دا ؟

أمير: دا دكتور العيلة بتاعتنا .

شجن إتخضت وقالت: طب كان هنا لي بعد الشر ! ، ربنا يجعله خير اهدى بس متقلش أنا معاك .

أمير نزل وفتح باب العربية لشجن وباس إيديها وقالها يلا يا أميرتي نورتي بيتك .

دخلوا القيلا وإتفاجؤا إن والدة أمير على كرسي متحرك وفاقدة النطق والحركة .

أمير من الصدمة مقدرش يتوازن وحس بهبوط وجري على مامته وهو بيبيكي ومصدوم من المنظر وركز ركبته على الأرض وقالها: إي حصل يا ماما ؟ مالك يا ماما ؟ ، اى حصل وانا مش موجود ؟ ولي محدش بلغني ! .

شجن واقفه لسه مكانها على الباب ومش عارفه تستوعب المنظر اللي قدامها وإن غادة والدة أمير الست القويه الطيبه الجدعه في اقل من اسبوع حصل كده ازاي واي السبب ؟! وجريت على والدة أمير وهي عنيتها مدمعه من حزنها على منظرها ومن منظر أمير جوزها .

شجن: إيه اللي حصل معاكي يا ماما ؟ ، وفين عمو ؟! ، انتي إزاي لوحذك كده مفيش غير المساعدين فقط!!! .

أمير بدأ يستوعب إن ازاي والده معرفهوش وإزاي مش موجود جنب مامته في الوقت دا وهي بالحاله دي لوحدها !!!؟ .

أمير وهو متعصب وغضبان من والده مسكت تلفونه : ألو يا بابا حضرتك فين؟

والد أمير: حمد لله على السلامة يا حبيبي ، انا في الشركة .

أمير: طب من فضلك تعالى القيلا حالاً لو ممكن .

والد أمير جيه الفيللا وأمير دحل ولدته جوا أوضتها تراتح وشجن أكلتها وأعطيتها علاجها ونامت.

والد أمير : نورت البيت يا حضرة الطابط أنت وعروستك .

شجن وأمير على وشهم علامات تعجب وعصبيه إن هو ازاي عادي كده مش فارق معاه ، لكن ماهر فهم انهم عرفوا اللي حصل ل عادة .

والد أمير: أيوه إنتوا أكيد شوفتوا عادة عشان كده شكلكم كده.

أمير: هو حضرتك ازاي عادي كده !!، وحصل معاها كده ازاي ، ولي مبلغتنيش؟! .

والد أمير: مكنش ينفع أعكنن عليك أنت وعروستك في الوقت دا ، وكمان دي رغبة والدتك ، ومامتك مره واحده لقيتها بالليل بتصرخ في الصالون ووقعت من طولها ، طلبنا الدكتور قال إنها دخلت في غيبوبة، وأول ما فاقت كانت فاقدة النطق والحركة والدكتور قال إن حصلها كده نتيجة صدمة ومع الأدوية والعلاج الطبيعي هتتحسن .

أمير: غيبوبه !! من اي؟؟ وشافت اي خوفها كده ؟

والد أمير: معرفش السبب ،بس روق كده يا عريس هي فترة وترجع تاني في وسطنا افضل من الاول.

شجن مستغربه وحاسه إن ببرود ماهر كده واللي حصل ل عادة مرة واحده دا ليهم علاقه ببعض .

(شجن وأمير أخذوا شاور وطلعوا أوضتهم يرتاحوا شويه ، وقامت شجن بالليل تعطي الأدوية لعادة وتأكلها لكن مرة واحده سمعت صوت رجلين طالعه على السلم وحد بيتكلم في الفون وهو بيتوشوش على السلم عرفت إن صوت ماهر ، إتسحبت شجن براحه وكانت عاوزة تسمع هو بيقول إي)

ماهر بيتكلم بصوت ضعيف أوووي وبحرص وبيقول: معادنا بعد بكره عشان نتفق على كل حاجه بقا معدش فيه وقت، عاوزين نخلص من كل حاجة قبل ما تفوق من اللي هي فيه .

شجن خافت وإتصدت من الكلام اللي سمعته ومرة واحده لقت ماهر خلص المكالمة وطالع خلاص ، جريت بسرعه عشان ميشوفهاش ودخلت تاني عند عادة وعملت نفسها ملخومة فيها.

ماهر: إي دا يا شجن إنتي صحيتي بينتي؟، تعيينك معانا معلش وانتي لسه عروسه .

شجن: دي مامتي الثانية ودا واجبي يا عمو ، أنا خلاص عطيتها العلاج أهو ، هروح بقا الأوضه عشان أمير لو قام هيقلق لو ملقنيش جنبه ، حضرتك هتعوز حاجه أعملها قبل ما أروح؟.

ماهر : لأ شكراً بينتي إتفضلي .

(شجن راحه أوضتها وهي مرعوبة من ماهر وبتقول في بالها اللي كنت حاسه به طلع صح ، هو فعلاً شكله مش كويس وبيعمل حاجة مش سليمة ، انا اول ما شوفته عندنا في البيت قولت إن نيته خبيثة الراجل دا ، دا حتى مش في دماغه مراته اللي لا حول ولا قوة الا بالله نايمه مش عارفه تتكلم ولا تتحرك حتى ، ياترى هو ناوي على اي؟! ، ياترى كان بيتكلم مع مين ؟)

أمير : شجن ، شجن

شجن: نعم يا حبيبي أنا هنا أهو جايا .

أمير: كنت فين يا شجن قفقت .

شجن: كنت بعطي العلاج ل ماما يا حبيبي وأكلتها .

أمير باس دماغها وإيدها وقالها: بحبك يا شجن يا أصيلة، لو لفيت الدنيا كلها مش هلاقي ضفرك يا ست الناس .

شجن: أنت اللي مفيش منك يا أمير وأنا محظوظه ببيك .

_____ #الكاتبة آية_ أحمد_ أبوداعوس _____

(تاني يوم)

أمير نزل الشغل من تاني ، شجن طول اليوم عنيتها على ماهر ، ومراعية غادة اللي بدأت تتحسن ، لكن لاحظت نظرات غضب من غادة ل ماهر كل ما تشوفه ، وماهر كان بيصلها نظرات مخيفه واكن بيهددها وهي لما كانت بتلاقي النظرات دي منه ، كانت بتهدى لكن شكلها إنها مرعوب منه.

شجن: ماما انتي كويسه ؟

غادة حركه عنيتها أنها كويسه يعني وإببسمت إبتسامه خفيفه .

(الليل جيه وأمير جيه من الشغل ، شجن حضرته الاكل وأكلوا كلهم سوى وكل واحد طلع على أوضته)

أمير: وحشتني أوي يا شجن النهارده ، أول يوم أنزل الشغل بعد الجواز ، كان يوم متعب جدا، وانتي طول الوقت في بالي ، لكن فرحت جدا لما لقيت الكل متجمع النهارده ولأول مره أحس بالشعور الحلو دا واننا بقينا أسرة صغيره وجميله جدا ، وقاعد أنا ومراتي الانسانه اللي إتمناها قلبي مع اهلي بناكل سوى ، أينعم والدتي مش احسن حاجه ، لكن واضح عليها التحسن من مراعتك ليها .

شجن: انا كمان طول اليوم مفتقدك يا أميري، كل يوم بحبك أكثر ، وفرحانه إن ربنا رزقني ببيك ، ومامتك أكيد هنتكون أحسن من الاول بكتير ،انا جنبها وربنا موجود اهو ، بس قولي يا أمير ، إيه السبب إللي ممكن يكون خلى مامتك بالشكل دا لما شافته ؟».

أمير: مش عارف والله يا شجن ، والسؤال دا محيرني من وقت ما عرفت ، حتى فرغت الكاميرات اللي في الجنيهه والصالون ملقنتش في اى حاجه ، والغريب ان في الوقت دا الكاميرات مكنتش بتسجل حاجه لان الكهرباء كانت قاطعه.

شجن: كاميرات!!! ، هو في هنا كاميرات يا أمير في البيت ؟

أمير: اكيد طبعا أنا زارع كاميرات لكن بدون علم اى حد ، حتى محدش من أهلي يعرف ، انتي بس اللي عارفه هو ، هي موجوده على بوابه الفيلا من برا وفي الصالون والطرقه بتاع الدور الثاني كله والجنيهة، من باب الأمان يعني مش أكثر .

شجن: طيب موصل الكاميرات دي على فونك ؟.

أمير: أبوه اكيد ، تعالي اعملك الطريقه ازاى .

شجن فرحت جدا وقالت هو دا الحل الوحيد اللي هعرف أراقب ماهر من عليه وأكتشف إي السر ورا اللي حصل لمرات عمي دا .

شجن: طيب وصلهالي على فوني يا حبيبي لو ممكن .

شجن مرة واحده وهي عماله تدعي ربنا إن يكشفها الأمر وتعرف إي السبب وراء جلوس عادة في كرسي مُتحرك كده وتفقد النطق وإي اللي صدمها بالشكل دا ووصلها لحالتها دي! ، ولي كل ما تشوف ماهر تتشنج وطول الوقت شكلها خايف منه ، سمعت صوت هواء جامد في الجنينه لدرجه الشجر بقا عمال يخبط في بعضه من شدة الرياح ، وشباك البلكونه إتفتح، قامت شجن تقفل شباك البلكونه لمحت نفس الخيال اللي شافته قبل كده يوم ما نزلت هي وأمير ولقوا قطة طالعه من وسط الشجر فزعتها، دقتت شجن أوووي الخيال دا بدايه منين، عرفت إن جاي من ناحية الأوضه اللي جنب أوضة عمو حسن الجنائني، لكن الأوضه دي مقفوله من زمان وحتى العين كابوت معشيش فيها!، دا حتى القفل بناعها مصدي من كُتر ما هي مبتفتحش! .

نزلت شجن بسرعه تحت وهي بتحاول تستجمع قواها ووصلت عند الأوضه لكن لقت الخيال وكل الاصوات هديت مرة واحده حتى صوت الرياح والشجر إختفى! .

لكن مره واحده لقت اللي جاي من وراها وبيقولها: عاوزه حاجه يا شجن هانم ! ،إي مخرجك الساعة دي في عز التلج والظلام كده ! ، إدخال بييتي الليل ملهوش أمان واحنا يعتبر في حته مقطوعه.

شجن: خضتتي يا عمو حسن، بص أنا هقولك بصراحة بما إنك صاحي يعني....مشوفتش خيال كده ولا خيال كده ! حد بيتحرك في الجنينة أو سمعت صوت.

عمو حسن إتتلجج وقالها: لأ بييتي خيال إي اللي هشوفه دلوقت! ، ومين يعني إلي هينزل الجنينه دلوقت ، لأ مشوفتش حاجة ولا سمعت حاجة.

شجن: إمامم يراجل يا طيب دا أنا بحبك زي والدي وبأمنلك، قولي شكلك متلجج ليه كده! ، حاسة إنك مخبي عليا حاجه يا عمو حسن ، قولي والله متخفش أنا هقدر أحملك.

عمو حسن: الله يعز مقدارك يا هانم، الحامي ربنا ، وبعدين هخبي إي بس ! ، لو شوفت حاجه بعد كده هاجي أقولك.

(شجن طلعت فوق تاني وفضلت واقفه شويه في البلوكه لعل وعسى تسمع صوت تاني أو تشوف حاجة، لكن شغل تفكيرها شكل عمو حسن اللي كله علامات استفهام وخوف أكن مخبي سير كبير أو حاجه خايف يقولها، وإزاي طلع مرة واحده كده من وسط الضلمة وفي نفس الوقت اللي كنت شايفه فيه الخيال وسامعة الصوت وهو لما سألته قالي لأ مشوفتش حاجه!.

شجن نزلت تحت تاني لعمو حسن تسأله وتحاول تفهم منه وبتخبط على الباب: عمو حسن، يا عمو ، يا عموو، هو أنت نمت ولا إي!! ،أنت لحقت دا يدوب 10د بس ، يا عمو حسن إفتح عوزاك ضروري .

(لكن مفتلهاش وهي خلاص كانت هتمشي وإدت ضهرها للباب لكن سمعت صوت نكش جوا الأوضه وأكن حد بينازع)

شجن بخوف وهي بتخبط على الباب جامد وبسرعه بتقول: عمو حسن ، أنت بخير؟ ، هو أنت لسه صاحي؟، رد عليا طمني متخوفنيش أكثر من كده الله يباركك.

لكن محدش رد عليها ، وطلعت شجن فوق تاني لكن المرة دي الرُعب وإكل قلبها ومن كتر الخوف مقدرتش تنام.

أمير بيحسس على السرير وبيقول: شجن، شجن ، وقام مطروب إنها مش جنبه .

شجن: أنا هنا يا حبيبي أهو.

أمير: إي مقعدك عندك كده على الكرسي ! ، مش نايمه جنبي لي ! ، مالك شكلك قلقانه لي كده ! .

شجن: لأ أبداً أصل صوت الرياح من شويه كان قوي أوي وقومت مفزوعة وخايفة ، فقولت أقعد هنا شويه لحد ما يجيلي نوم .

أمير: تخافي وأنا موجود برودو يا شجن!! ،قومي من عندك يلا وتعالى نامي .

شجن حضنت أمير ونامت بسرعه لأنها مطمئنه إن أمير معاها .

_____#الكاتبة آية أحمد أبوداعوس_____

ثاني (يوم الصباح)

شجن قامت مرعوبة على صوت صريرت وإسعاف ومش فاهمه إي حصل.

شجن راحة بسرعه تشوف عادة فكرت حصلها حاجة لكن الحمد لله طلعت كويسة وأول ما شافت شجن شاورتلها بإيدها إنها عوزاها تيجي جنبها.

شجن وهي فرحانه: إي دا يا ماما!! إنتي بدأتى تحركي إيدك أهو يا حبيبتي ، وحضنت عادة جامد وباستها وقالتها: إستنى بقا أعطيكي الهواء وأكلك وقوليلي كنت عاوزه إي ، هجبلك ورقة وقلم بعد ما تأكلي وتحكيلى بقا بالتفاصيل في الورقه شوفتي إي خوفك ووصلك لكده!.

عادة هزت بدماعها إنها موافقة وباست دماغ شجن.

(بعد ما خلصوا العلاج والأكل ، شجن رايحه تجيب ورقة وقلم عشان عادة تحكيلىها اللي حصل لكن....)

شجن: هو إي صوت الصويت اللي أنا سمعته أول ما قومت دا صحيح!!، أنا هنزل أشوف الاول في إي تحت.

(شجن لقت البوليس تحت بيستجوب الخدم وأمير جاي من بره ومعاها سكينه في كيس شفاف وبيقول لظابط زميلة: هو دا سلاح الجريمة ، لازم نبعته للطب الشرعي عشان نشوف البصامات!.)

شجن جريت على أمير وقالت وهي مرعوبة ومش مستوعبه اللي هي شيفاه: إي دا يا أمير! ، سلاح جريمة، وإي الدم المتجلط على السكينه دا!! ، هو مين مات هنا !! ، لكن جيه في بالها مرة واحده عمو حسن والصوت اللي سمعته إمبراح في أوضته.

شجن قبل ما أمير يرد عليها قالت : عمو حسن !!

أمير: أيوه عمي حسن الجنائني لقوا غرفته الصبح مقلوبة وهو مرمي في وسطها وسايح في دمه وجنبه السكينه دا ، إديج ، بس إهدي أنا جنبك متخفيش، لكن إي عرفك إن هو.

شجن خافت تقول أي حاجه من اللي سمعتها إمبراح عشان أمير ميزعقش فيها ويعرف انها خرجت إمبراح من وراه وهو نايم وقالت : أصلك جاي من الجنينة والبوليس عندنا في البيت فأكيد هو ، لكن إزاي ممكن يحصل كده يا أمير! ، إزاي ممكن حد يدخل البيت وكمان يقتل ناس من جواه كده عادي !.

أمير: دا اللي مستغربه ، إن إزاي ممكن يحصل كده ! ، صعب إن الكلام دا يحصل معنا إنا بالذات، بس إحتمال تكون عملية سرقة ، لأن كان فيه مقاومة من منظر الأوضة .

شجن قالت بسرعه لأمير: أمير ما تفرغ الكاميرات كده، وبيقول لنفسها مع إن هيعرف إن خرجت بس مش مشكله بقا عشان نعرف مين المجرم اللي عمل كده.

أمير: صح انتي كلامك مطبوط ازاي مجاش في بالي .

(راحوا يفرغوا الكاميرا ملفوش حاجه جايا فيها واكتشفوا انها عطلانه ومسجلتش أي حاجة)

شجن بتقول لأمير: أنت شايف إن دا صدفه يا أمير ؟؟

أمير: مش عارف يا شجن بس الموضوع غريب .

شجن: هو حد غيرنا يعرف إن في كاميرات في البيت يا أمير ؟.

أمير: لأ ماظنش، هو انا وانتي بس .

شجن: إمال فين عمو يا أمير مش باين من امبارح؟ ، ومش فوق مع طنط !.

أمير: بابا نزل الشغل من بدري ميعرفش أي حاجه عن اللي حصل لسه .

شجن بتقول لنفسها إنها حاسه إن هو ورا كل اللي حصل دا، وأكد موت عمو حسن مش صدفة كده، أكيد المواضيع مربوطه ببعضها، ويمكن أنا بقيت في خطر لأن بعد ما قعدت أسأل عمو حسن كثير عن الخيال والصوت وإن كان شاف حد في الجنينه ولا لأ وهو شكله بعدها إتوتر وإتلجج دا مش صدفه، وإنه يموت بعدها ب 10د مش صدفة، لكن أنا دلوقت اكيد في خطر وأكد كل دا مربوط ببعضه ، طيب أعمل إي بس ياربي ؟؟ ، أقول لأمير ولا أعمل إي بس؟.

شجن إفتكرت إن المفروض كان هتروح لغادة عشان تعرف منها حصل معاها كده إزاي، واخذت ورقه وقلم وراحة لغادة

شجن راحت لغاد وبتقولها: معلى يا حبيبتى إتأخرت عليكى بس حصل حادثه تحت وعمو حسن لقوه مقتول في أوضته .

غادة برقت وبان عليها الخوف وبدأت تعرق من كتر التوتر وحطت إيدها على رقبتها أكنها بدأت تتخفق وتخاف.

شجن:خدي بقا يا طنط الورقة والقلم وإحكيلى .

(لكن غادة رمت الورقة وشاورت بإيدها بسرعة بالفرض أكن بتقول لأ بإيدها، وحطت إيدها على رقبتها أكن خايفه تموت هي كمان لو حكيت حاجة)

شجن: مالك يا حبيبتى إهدي بس، إهدي أنا معاكى مفيش حاجه هتحصل متخافيش أنا معاكى .

(لكن غادة مرضتش تكتب أي حاجة)

شجن هنا إستنتجت إن كل الأحداث مربوطه ببعضها ، بس ياترى إي السبب ! ، وفي إي يخليهم مرعوبين كده لما أجي أسأل عن حاجه؟!، وهل أقول لأمير ولا لأ ؟

(رجعت شجن أوضتها وقعدت تفكر في إللي حصل، وعاوزه تعرف من الشخص إللي ماهر كان بيكلمه في

التليفون! ،ومين عمل الصوت إللي سمعته قبل ما تسأل عمو حسن الجنائيني؟)

شجن: أكيد الكاميرات متعطلتش كده لوحدها، أكيد حد عمل كده، وأنا هستغل إن مفيش حد في البيت طول اليوم وهزرع كاميرات جديدة منغير ما حد يعرف عنها حاجه حتى مش هقول لأمير لأن ممكن يعرف عمو وأنا أصلاً مش مرتاحه لعمو دا خالص.

أمير: شجن يلا عشان نتغدى، وهاتي ماما عشان تأخذ العلاج وتتغدى.

شجن: حاضر ، وأعطت العلاج لغادة ونزلوا يأكلوا، لكن ماهر مش موجود معاهم على الطاولة.

شجن: إمال فين عمو ماهر يا أمير؟، وبدأت تأخذ بالها من ملامح غادة، لكن لقت غادة شكلها خاف وخبطت المعلقة وقعت على الأرض.

أمير: عنده شغل كثير في الشركه وهيتأخر النهارده، إحتمال كمان ميتعشاش معانا.

شجن: جابت المعلقة من على الأرض وقالت لغادة مالك يا طنط؟ ، وهنا شجن إتأكدت إن ماهر ليه إيد في اللي حصل لغادة وإنها خايفه منه وعارفه حاجه مش عارفه وخايفه تقولها..

_____ #الكاتبة آية_ أحمد_ أبوداعوس _____

(اليوم التالي)

شجن صحيت بدري وحضرت الفطار للجميع وأعطت العلاج لغادة وكانت عاوزه تلحق ماهر قبل ما يروح الشغل .

شجن وهما قاعدين يفطروا لاحظت نظرات حقد من ماهر ليها لكن هي خلاص معدش فارق معاها ولا عادت خايفه منه لأن كل اللي في دماغها إنها تعرف الحقيقه وإي اللي بيحصل في البيت وقالت ل ماهر: إي يا عمو وحشتنا، امبارح كنت غايب طول اليوم ! ، معرفتش بالحادث اللي حصل لعمو حسن ! ، دا إندبج يا عمو... إندبج.

ماهر ساب الأكل وبان عليه الإنزعاج وقال: أيوه عرفت.

شجن: رايح فين يا عمو كمل أكل.

ماهر: لأ أنا تمام كده شبعت ، وبعدين وقفي الخصلة دي يا شجن ، بتسألني كثير عمال على بطال.

شجن بضحك: ههههههه عادة بقا يا عمو هنعمل اي ، أصل بحب افهم كل حاجه بتحصل حوليا، طيب متعرفش إي ممكن يكون السبب في موته !.

ماهر: وأنا أعرف منين يعني؟

أمير إضايق عشان ماهر شكله إنزعج من أسئلة شجن وقالها: كملي أكل يا حبيبي وبلاش أسئله..

وغادة بتبص ل ماهر بغل وأكنها مش طيقاه .

شجن: حاضر يا حبيبي.

(الظهر قرب يأذن وماهر لسه تحت في البيت)

شجن: هو إي دا ! ، مش هيروح الشغل النهارده ولا إي ؟ ،دا أنا عاوزه اكلم الناس تيجي تركب الكاميرات.

ماهر بيتكلم في الفون وبيقول: كل حاجه ماشية تمام ، لكن لمح شجن جايا ناحيته وراح معلي صوته وقال: هنتقابل النهارده الساعة 2 بالليل في المخزن عشان نخلص كل حاجة.

شجن: أنت مش رايح الشغل النهارده يا عمو ولا إي ؟

ماهر: لأ

شجن: كده النهارده مش نافع بقا، بكره إن شاء الله هركب كل حاجه عشان عاوزه أعرف في إي ، وبعدين مخزن إي دا اللي هيقابل حد فيه الساعه 2؟؟؟.

_____ #الكاتبة آية أحمد أبوداعوس _____

(جيه الليل وكله خلاص نام ماعدا شجن وماهر ، شجن سمعت نكش بره أوضتها وصوت ماهر بيقول يلا أنا نازل)

شجن: أنا لازم أنزل دلوقت أشوف في إي ! ، ونزلت شجن بسرعة ورا ماهر ، لكن بعد ما خرجت لقت ماهر بيتكلم في الفون وبيقول إنه نسي الحاجه فوق وهيطلع تاني يجيبها.

شجن جريت بسرعة تستخبي ورا الشجر لحد ما يطلع وينزل تاني.

شجن: هو إي دا أنا تلجت ، كل دا ماهر فوق يجيب الحاجه ، وبعدين حاجه إي اللي يجيبها ؟ وبعدين أنا مرعوبه من الشجر دا في الظلمه كده لوحدي ولسه عمو حسن مقتو"ل من يومين، وطلعت شجن من ورا الشجر .

لكن أول ما طلعت إتفجئت بحد قدامها مره واحده.

شجن إترعبت وبدأت تركز هو مين دا لأن الجو كان ظلمه ، لكن إتفجئت لما لفته علي «!!!!».

شجن وهي مصدومة وبتكلم بالعافيه من الخضة: علي!!! ، أنت بتعمل إي هنا !! .

علي: إنتي اللي بتعلمي إي هنا يا شجونتي ! ، وحشتني يا شجن، تصدقي طلعت حلوة أوي ب بجامه البيت، بس إي دا طرحه على بجامه! ، ما تلقعي الطرحه دي كده عشان الحلاوة تكمل.

شجن ضربته بالقلم وقالته: إحرص يا حيوان.

_ وشجن رايحة تطلع فوق، راح علي شاددها من إيديها وهي ماشيه ناحيته ومسكها من وسطها ناحيته وبيقولها أنا بحبك يا شجن، أنا معرفتش قميتك غير لما روحتي مني.

شجن: بتزقة وبتقوله إبعد عني يا حيوان، أنا متجوزة سيدك وسيد الرجاله كلها ، إبعد وخربشته في وشه.

(لكن بتبص مره واحده لقت أمير خارج الجنينه وهو مصدوم وشافهم هما الاتنين وعلي ماسك شجن من وسطها وشجن إيديها على كتف علي بتحاول تزقه وتبعده عنها لكن أمير فكر إنها حاطه إيديها على كتفه لأن الجو كان ضلمه.)

شجن بصدمه: أمير!!!!

علي خاف وإتفاجئ وقال : أمير !!

أمير ضرب شجن بالقلم وقالها إخرسي ، إنتي إي منزلك في الوقت دا ! وموقفك مع الحيوان دا !! ، ونزل ضرب في علي وكان هيخنقه .

شجن: لأ يا أمير.....لا يا أمير متودين نفسك في داهيه عشان الحيوان دا، أنت فاهم غلط يا أمير.

علي كان معاه مُسدس وطلعه من جيبيه وضرب نار في الجو ، غادة صحيت ونزلت الجنين مع ماهر، والانوار كلها إتفتحت .

شجن صرخت جامد ومسكت أمير حضنته وهي بتعيط وقالت: والله أنت فاهم غلط يا أمير ، مفيش حاجه بينا ، والله أنت فاهم غلط .

أمير بعصبيه قالها: إبعدي عني ، دا انتي الوحيدة اللي حبيتك ووثقت فيكي ، تقومي تخوني ثقتي وكمان مع حد زباله زي دا!!.

(علي قام جري وماهر نزل تحت وجايب غادة معاه على الكرسي المتحرك بتاعها)

ماهر : في إي بيني! ، إي جاب علي هنا ويجري ليه كده! ، ولي ضرب النار دا ، وإي منزلكوا أصلاً بلبس النوم دلوقت؟.

أمير سابهم وطلع فوق ومردش .

شجن منهاره من العياط وبتقول لغادة: والله يا ماما مفيش حاجه بيني وبين علي ، والله أمير فهم غلط ، علي هو إلي جيه هنا، لكن معرفش إي جابه، وأنا كنت تحت في الجنيه لقيته في وشي وكان عاوز يعتدي عليا حتى خربشته في وشه، يعني يا ماما لو أنا مش كويسه إي هيخليني أخربشه وأقوم؟؟.. ، وطلعت فوق تعيط وقالت لأمير نفس الكلام .

أمير: وإنتي إي منزلك في الوقت دا الجنيه بالجمامة حتى لو عليها الطرحه إي بردو منزلك ؟.

شجن: سمعت صوت والله وكنت نازله تحت اشوف في إي ولقيت علي قدامي مره واحده ، والله مافيه حاجه بينا يا أمير ، حتى شوف الخربشه اللي في وشه بكره وإتأكد إن بقول الحقيقة .

أمير: إبعدي عني أنا مش طايقك دلوقت ، مش عاوز اسمع صوتك ولا اشوف وشك.

_____ #الكاتبَة_آية_أحمد_أبوداعوس_____

(بعد 4أيام ،والحال بين شجن وأمير مش كويس، وشجن معظم الوقت بتعيط وحست إنه كان فح ليها)

(أمير قابل علي وهو راجع من الشغل بالعربية واول ما شافه لمح آثار الخربشه اللي في وشه زي ما شجن قالتله، ونزل من العربيه مسكه من رقبته وقاله: إي جابك الفيلا عندنا في الوقت دا يا حيوان!! ، أنا واثق في مراتي وواثق إن عمرها ما تخون ثقتي وتبص لواحد زباله زيك ، بس أي جابك الفيلا ودخلت إزاي ؟.)

علي : هي إلي فتحتلي بوابه الفيلا ، وأنا وشجن كنا بنحب بعض قبل ما تعرفك.

أمير إتصعق مكانه وقاله: بتحبوا بعض !!! ، وهي لو عاوزه تقابلك هتقابلك في الفيلا ، في نفس البيت اللي العيله كلها عايشه فيه ! ، وضربه بالقلم وقاله: مراتي متجيش سيرتها على لسانك النجس دا، وحسابك معايا لسه جايا على اللي عملته.

علي: أنا وشجن هنكون لبعض.

- أمير روح البيت لكن إتأخر على ما روح عشان كان يفكر في اللي حصل وفي كلام علي ،وقال لنفسه لازم أفهم من شجن ولازم أديها فرصه تتكلم ، وأول ما دخل الأوضه لقا شجن نايمه وحاضنه صورة أمير وشها كله دموع .

_أمير قلبه وجعه ومسح دموع شجن وقال في نفسه : بقا الملاك والجمال دا كله يخون يا أمير؟ .

_____ #الكاتبة آية أحمد أبوداؤس _____

(ثاني يوم الصبح بعد 5 أيام من اللي حصل)

(شجن: صلت وحضرت الفطار وأعطت العلاج لغادة وغادة بدأت تتحسن وتمشي لوحدها، ولسانها الثقيل بدأ ينطق بعض الكلام بس بصعوبه)

شجن بتبص لأمير و عنيتها كلها حب مخلوط بحزن وإحساس بالظلم .

أمير بص لشحن وإفتكر شكلها بالليل وقالها: عاوزك اخر النهار لما أرجع من الشغل.

شجن بحزن شديد وصوت واطي، لكن في نفس الوقت من جواها فرحت إن أمير بدأ يتكلم معاها من ثاني وقالت: حاضر ، خد بالك من نفسك .

_____ #الكاتبة آية أحمد أبوداؤس _____

(رجع أمير من الشغل وأكل لكن شجن كانت بره مع غادة بتحاول تخليها تمشي وتختلط بالناس عشان تتحسن ، أمير رن على شجن)

أمير: ألو إنتي فين ؟.

شجن: بره مع طنط ، نصف ساعه وجاين مش هتأخر .

أمير أول ما شجن رجعت كان شكلها حلو أوي بالطقم اللي لبساه، على الرغم إن عيونها كلهم حزن لكن كانت زي القمر و غار جامد عليها وقالها: هو انتي بتخرجي ليه منغير إذني ؟ ، هو أنا مش قولتلك مليون مره مفيش خروج منغيري .

غادة بتتكلم بصعوبه وبتحاول تدافع عن شجن لأنها عارفه إنها مظلومه ومفيش أظهر منها وقالت لأمير: إهدى بيني ، أنا رنيت عليك أكثر من مره لكن التليفون مجمعش غالباً عشان الشبكة ، وكمان هي خارجه معايا أهو ، براحه عليها بيني شجن بتحبك .

شجن عيطت وهي واقفه وصعب عليها نفسها وقالت: أنا آسفه يا أمير.

أمير زعل من نفسه لأن حس إن جيه عليها ودموعها قطعت قلبه وقالها : طيب إطلعي غيري وأنا هطلع ماما وأجي أتكلم معاكي زي ما قولتلك الصبح عاوزك .

غادة لما طلعتوا فوق حاولت تفهم أمير إن شجن مظلومه وتهديه .

أمير: عارف يا ماما إن شجن مش كده ، لكن المنظر فورلي دمي ولأن بعشق شجن، ولأن بردو مينعش تنزل في وقت متأخر زي كده لوحدها تحت ، ما يمكن حاجه تحصلها ، دا لسه عمي حسن مقتول من يومين ، إزاي بنت زي شجن برقتها وهدونها كده يجيلها قلب تنزل في الوقت دا و دم الرجل لسه مبردش ! ، وبعدين أنا زعقت دلوقت ليها لأن بغير عليها ، عارف إنها ادام معاكي أمان لكن غيرت ، حبي ليها هو الغالب في طريقي معاها يا ماما غصب عني .

غادة: عارفه يا حبيبي بس إسمعها وكفايه تيجي عليها أكثر من كده ، البنيت مموته نفسها من العياط طول الوقت ، احنا بره طول الوقت كلامها عليك وقد إي هي بتحبك ونفسها تراضيك، وكل حاجه تقول دا أمير بيعمل كذا ، دا أمير كذا ، يعني مش شافه غيرك بيني بلاش تخسرها وتوجع قلبك وقلبها والحب اللي بينكوا يضيع.

أمير راح لشجن وقالها: فهميني بقا أي حصل بالظبط؟ وهل فعلاً انتي و علي كنتوا بيحبوا بعض قبل ما تعرفيني !
شجن إتوترت من السؤال الاخير وبلعت ريقها وقالت : مين قالك الكلام دا يا أمير ؟ أنا محبتش غيرك، ومعرفتش
الحب غير على إيدك .

أمير: علي هو اللي قالي كده إمبراح.

شجن وهي غضبانه : علي!!! ، علي دا شخصية زبالة، أنا عمري ما حبيت علي ولا عمري حسيت الاحساس اللي
حسيته معاك دا مع حد ، لكن أنا هحكليك يا أمير.

(علي معايا في الكليه وهو طبعاً اكبر مني لأن بيسقط كثير وغير كده فعلاً زي ما انت قولتلي قبل كده إنه بتاع
بنات، وكان بيلفت نظر بنات كثير لكن عمره ما لفت نظري ومكنتش بطيقة لأن مبادئ كمان وشخصيتي ترفضه
تماماً ، ويمكن دا اللي جذبته ليا، فحاول كثير اوي يتكلم معايا ويتلرز ويفتح مواضيع وانا بقيت اسبيه وأمشي
ومدهوش وش ، لكن عدي كذا شهر على الوضع دا، ولقيته كل شويه بيعتلي من رقم وأكونت شكل، ويقول هتغير
عشانك وكده، فقولت أديله فرصة، ومر كذا شهر وأنا إتعلقت به لكن قطعت كلام معاه بعدها وقولت لما يحصل
نصيب وإحنا لسه بندرس وكده، بعدها أنت جيت إتقدمت ليا أنا مكنتش لسه اعرفك ووقتها دخلت أقول لعلي إن حد
متقدملي لكن هو خذاني وقتها وجرحني بالكلام ومن الوقت دا بقا صفحه محروقه عندي خلاص، وكنت لسه
مشوفتكش ولا وافقت أقابلك لكن بعد كلامه اللي جرحني عملته بلوك ووافقت أقابلك ولما شوفتك أول مره خطفتني
وحسيت بإحساس عمري ما حسيته تجاه حد في حياتي وحببتك بجد من قلبي والوحيد اللي إتمنيت أعيش لآخر نفس
معاه، ويوم فرحنا إتجأجت إن هو في الفرحة لكن أنت بعدها قولتلي إن صديق للعيلة، هو دا كل الموضوع، كان
مجرد تعلق بوجود شخص وعمري ما حبيته زي ما قالك .

أمير زعل وقال لشجن: طيب لي معرفتنيش إن في حد كان في حياتك قبلي؟.

شجن: كان قبلك ومكنتش حب ومن وقت ما عرفتك دا اللي يهملك زي ما أنا عمري ما سألتك على حاجه بخصوص
ماضيك، أنا إعتبرت يوم ما عرفتك هو يوم ميلادك حتى لو كان عندك تجارب قبلي ، انا يهمني من يوم ما عرفتني
وعرفتك وإخلاصك ليا ، وأنا طول الوقت مُخلصه ليك يا أمير.

أمير: وأي نزلت تحت في الجنبنة يا شجن ..

شجن إتوترت ومش عارفه تقول لأمير ولا تعمل إي وقالت: ما أنا قولتلك يا أمير إن سمعت صوت ونزلت أشوف
في إي ؟

أمير بغضب: شجن!!!!

شجن بخوف: في إي يا أمير.

أمير: قولي الحقيقة وخليكي صريحه معايا ، من أول النهارده نفتح صفحه جديده سوى لكن خليكي صريحه معايا
وقوليلي على أدق حاجه بتحصل في يومك وكل اللي بيحصل معاك، في الاول والاخر انتي مراتي وبنتي وحببتي
وملناش غير بعض ، خليكي صريحه معايا يا شجن.

شجن فرحت جداً بكلام أمير وعرفت إنه سامحها وحضنته وقالت: يعني أنت كده مش زعلان مني يا أميري؟

أمير: لا خلاص مش زعلان منك بس هزعل بجد لو مقولتنيش الحقيقه وإي سبب نزولك تحت في الوقت دا .

شجن قررت تحكي كل حاجة لأمير وقالت : حاضر ، وحكت لأمير كل حاجة شافتها وحست بها وأثار الطين اللي كان مكان رجل ماهر أبوه، وصوت النكش اللي في أوضته عمو حسن الجنيني قبل ما يموت ب 10 د .

أمير وهو مصدوم وعرف إن شجن مظلومه فعلاً وإن أكيد دا فح إتعملها عشان تنزل لكن الصدمه الكبيره كانت في ماهر أبوه وقال: بابا...!!!! ، طب لي يكذب أو يعمل كده ، وماما فعلاً بحسها متوتره وخايفه في وجود بابا ، حتى يوم ما رجعنا من السفر وكنت مقهور على ماما ، كان بابا عادي واخذ الموضوع ببساطه .

شجن لاحظت إن أمير تعب وإنصدم وحضنته وقالتله: والله يا أمير هو دا كل حاجة اللي حصل وعمرى ما أكذب عليك ،مكنتش عاوزه اقولك على حاجة غير لما أعرف الحقيقة كلها والموضوع ينكشف، لكن الدنيا بنتعتقد أكثر وأنا بخسرك ، فمش هينفع أخسرك عشان كده حكيتك زي ما طلبت مني أكون صريحه معاك، بس إهدى أنا معاك يا أميري ،واحنا سوى سهل نعرف الحقيقه وإي بيحصل ، بس أنت متبينش أي حاجة قدام عمو ماهر وإتصرف عادي زي الطبيعي بتاعك.

أمير: لأ أكيد في حاجة غلط، أكيد بابا مستحيل يعمل حاجة وحشه،هو أينعم قاسي ومشاعره بارده من ناحيتي وناحية مامتي شويه بس مستحيل يعمل حاجة وحشه .

شجن: إحتمال كلامك مضبوط بس خيلنا للأخر، محدش لسه عارف حاجة ، لكن اللي حكتهولك هو كل اللي حصل .

أمير بيفكر بصوت عالي مع شجن ويقول: دا حتى يوم ما علي ضرب نار في الجنينه ، بابا كان نازل بلبس النوم يعني إزاي انتي بتقولي كان نازل بيتكلم في التليفون ويقول طالع اجيب الحاجه وإزاي بعدها نزل أكن كان نايم وبيجامة النوم !!، واللي صحاني وخلاني أنزل إن سمعت صوت حاجة بيتزرع جامد فقومت مخضوض عليكى لكن ملقتكيش جنبى ونزلت أدور عليكى ، لقيت باب الفيلا مفتوح.

شجن: كان نازل والله يا أمير لابس بدله قدام عنيا وأنا فضلت متخبيه لحد ما ينزل ولما طول روحت طالعه من وسط الشجر لأن خوفت وبردت ووقتها لقيت علي قدامي وحاول يتهم عليا ووقتها شتمته و كنت بزقه ، وأنت جيت في الوقت دا، والله دا اللي حصل ، ولو الكاميرات شغاله كنت هتعرف إن كلامي مضبوط.

أمير: الكاميرات شغاله!!

شجن: أيوه الكاميرات عطلانه عن قصد يا أمير ، حد غيرنا عارف إن في كاميرات مزروعه في البيت .

أمير: لازم أشيل كل حاجة واجيب كاميرات من جديد وأغير أماكنها وأعملها نظام تأمين قوي جداً بحيس أنا وانتى بس اللي نفتحها .

شجن: أنا كنت هعمل كده بردو بس موضوعنا لخمى بقا وأهم حاجة عندي كانت إن مخسرکش ، فمكنتش مركزه في حاجة .

أمير باس إيد ودماغ شجن وقالها: حقك عليا يا فرحة حياتي، غصب عني دمي فار عشان بحبك .

شجن بصت لعيون أمير بحب ورضا وقالتله: يااااه وحشتني كلمة فرحة حياتي دي وباسته وقالت حقك عليا أنا محبتش غيرك يا أميري.

أمير: عارف يا فرحة حياتي وواثق من كده .

(شجن وأمير إستغلوا يوم ماهر مش موجود فيه في البيت وزرعوا الكاميرات ، عادة بدأت تلاحظ إن شجن وأمير مش طبيعيين وبالهم مشغول طول الوقت في حاجة سوى)

غادة: مالكو كده يولاد حاسه إنكو مشغولين اليومين دول بتفكروا في حاجة ؟

شجن: لأ يا ماما مفيش حاجه يا حبيبتى.

أمير: هو إزاي حصل معاكي كده يا ماما ؟.

غادة: حصل معايا إيه يا أمير ؟ م أنا بخير أهو بيني.

أمير: يا ماما إنتي فاهمه قصدي كويس، أنا أقصد إزاي فقدتي النطق والحركه كده!، شوقتي إيه ولا حصل إيه وصلك لكده!، بابا قالنا وقتها إنك صرختي جامد وبعدها إغمي عليكي .

غادة: لأ أبدأ يا حبيبي ، أنا بس لما لقيت نفسي داخه وهقع مره واحده صرخت.

_أمير وشجن ببصوا لبعض وفهموا هنا إن غادة هي كمان خايفه من حاجه ومخبيه عليهم سبب اللي حصلها، بس ياترى إيه سبب اللي حصلها، وليه هي مخبيه عليهم..!

شجن: ماشى يا ماما المهم إنك بخير دلوقت.

_____ #الكاتبة آية_ أحمد_ أبوداؤس _____

_ (ثاني يوم)

شجن: أمير ما تيجي نخرج النهارده نغير جو بما إن النهارده الأجازة بتاعك.

أمير: موافق جدًا ، عاوزه تروحي فين ؟

شجن: مفيش مكان محدد بس ياريت نقضي اليوم كله بره نفصل شويه من الأجواء اللي كنا فيها دي تعب طنط و مو"ت عمو حسن وكده .

أمير: طب يلا إطلعي جهزي نفسك ونخرج علطول .

(خرجوا لكن أمير لاحظ إن في عربية متبعاهم من وقت ما خرجوا)

شجن: أمير إستنى هنا أنا عطشانه عاوزه أنزل الماركت أجيب مايه وأيس كريم.

أمير: لأ خليكي في العربية هنزل أنا أجيبك إللي إنتي عوزاه.

(نزل أمير يجيب لشجن حاجات تتسلى بها وهما بره ، لكن إتأخر لأن في راجل كبير قاعد على كرسي مُتحرك جوا الماركت ومحتاج حاجات من رَف عالي، فطلب من أمير يساعده إن يجيبه الحاجه لأن هو مش قادر)

شجن: ياربي أنا زهقت من القاعده في العربية لوحدي كده، أمير بقاله أكثر من نصف ساعه جوا الماركت بيحبيب أيس كريم ومايه !! .

(ومرة واحده شجن لقت حد ببيع ورد أحمر على الطريق وشجن طبعا عاشقة الورد الأحمر ، فنزلت شجن من العربية تجيب وردتين ليها ولأمير)

شجن جابت الورد وراجعته العربية وبتقول لنفسها: يجمالو على الورد الأحمر اللي بيسرق قلبي من مكانه، أنا هفاجئ أمير بها أول ما يركب العربية وأديله وردة .

صابر: هو صعب يا فندم بس حاضر هحاول..

_ مرة واحده تلفون شجن رن وهو في جيبها من والدتها كانت عاوزه تظمن عليها.

الرجل المُقنع بعصبية كبيرة جدًا وغضب وهو متفاجئ ومخضوض أخذ التلفون من جيب شجن وقال: إنتي معاكي تلفون!!!!

انتوا يا أغبية سايبينها معاها تلفونها!!!!، وكسر التلفون.

شجن وهي بتبكي بحرقة: هو انتوا مين وعاوزين مني إي؟؟، أنا حتى مش من البلد ومليش عداوة مع حد، أيوا أيوا إنتوا تبع ماهر!!!، ماهر هو اللي خلاكوا تعملوا فيا كده وهو اللي قتل الجنائني عشان روحته سألتته!، أنت ماهر ولا انت مين رد عليا يا مجرم.

_ الرجل المُقنع شاور لحد من اللي معاه عشان يلزق بوق شجن ويتأكد إنها مربوطه كويس.

شجن بتحاول تقاوم وتفك نفسها لكن بتحاول تصرخ والزقة على بوقها....

الرجل المُقنع بصوت شرير وكله حقد: إخرصي، إنتي حسابك لسه جاي، إحنا لحد دلوقت معملناش فيكي حاجة، فاخرصي خالص عشان مفرغش المُسدس دا في نفوخك، وقطع كلامه صوت تلفونه.

الرجل المُقنع راح بعيد شويه ورد: أيوه يا باش كله تمام والبت اللي أمرتنا نخطفها هنا هي مع إنها فرهدتنا والله يببناش على الرغم البت صغيرة بس صحتها جيياها هدت حيلنا، وعملنا معاك آخر واجب يببناش ضربنا عصفورين بحجر واحد، خطفنا البت هي وهتكون تحت تصرفك وجوزها هو كمان العربية ولعت به ومات وعماله فلقانا عليه عياط من ساعتها.

(هنا شجن فهمت إن الموضوع مدبر وإن في حد عاوز يخلص منها ومن أمير ولكن متعرفش مين هو الشخص دا!!) ، وبتقول لنفسها طيب لو ماهر عاوز يخلص مني أنا تمام لكن أمير إي دخله في الموضوع دا أمير ابنه!!، ببقا مين ياربي دا !!) .

أمير: ها بيني عرفت موقع التليفون دا فين؟

صابر: يا فندم التلفون فصل خالص غالبًا إتكشف وحد قفله لكن دا آخر موقع التلفون كان فيه.

_ أمير عرف موقع التلفون ورايح لشجن، لكن الرجل المُقنع

عرف الشخص اللي كان بيكلمه في التليفون إن لقوا تلفون شجن كان معاه، فأمر الراجل المُقنع إن ينقلها مكان تاني وهو هيجصلهم على هناك.

_ أمير أخذ قوة ورايح للموقع اللي فيه شجن لكن لسوء الحظ وصلوا متأخر بعد ما كانوا نقلوا شجن من مكانها.

_ أمير لقي حبل شكله جديد في مكان شكله مهجور وقديم، وشاف تلفون شجن متكسر على الأرض، فعرف إنهم كانوا هنا والحبل دا شجن كانت مربوطه به وإكتشفوا إن تلفونها معاها وكسروه وقلقت على شجن أكثر.

أمير بعصبية بيخبط إيده في الجدار: وصلنا متأخر نقلوها لمكان تاني.

مجدي الصديق المُقرب لأمير: إهدى يا أمير هنلقياها إن شاء الله وأدام وصلنا لمكانها الاولاني في اقل من 12س هنقدر نوصل لمكانها الجديد وننقذها بس إهدى كلنا في ضهرك..

أمير بيقول لنفسه: أنا معنديش أعداء ولا هي كمان وهي أساسًا مش من القاهرة، بيقا مين ليه مصلحة في كده!!!، ومرة واحده جيه في باله الكاميرا اللي زارها مع شجن في البيت وقال هيروح يراجعها يمكن يوصل لحاجه أو يشوف العربيه دي كانت مرقباهم من أمته!.

(والدة شجن عماله ترن عليها كل شويه لكن التلفون عاد بيدي مشغول وقلقت جدًا عليها وتلفون أمير مش بيجمع لأن كان واقف في المكان المهجور مفهوش شبكة)

والدة شجن بتقول لوالد شجن: أنا قلبي مش مطمئن يا أبو شادي حاسه إن شجن وأمير فيهم حاجه، بقالي مدة طويلة برن على شجن ومردش عليا وفي الاخر تلفونها إتقفل وكمان تلفون أمير دلوقت مغلق هو كمان.

والد شجن: إهدي يا أم شادي هما بخير هيكون فيهم اى يعني، هتلاقي الشبكة بس ولا حاجة أو مشغولين، لو مردوش يستي لحد بكره هأخذك ونروحهم زياره نطمئن عليهم.

__ غادة عاوزه تتصل بماهر تشوفه هو فين وتحكيه على إلهي حصل لشجن لكن لفته جاي البيت.

غادة: ماهر أنت كنت فين طول اليوم؟، عاوزه أتكلم معاك في موضوع

ماهر: بعدين بعدين، كنت في الشغل هكون فين يعني ، أنا دلوقت جاي أخذ هدموم لأن هسافر يومين كده شغل خارج القاهرة.

غادة: شغل أي دا ومن أمته السفر المفاجئ دا !.

ماهر: هو أنت هتحققي معايا ولا إي ، وبعدين فين أمير؟

غادة: معرفش هو فين من الصبح مشوفتهوش وقلقانه عليه جدًا هو وشجن من ساعة ما خرجوا الصبح مرجعوش.

__ وقررت غادة تخبي على ماهر اللي حصل لأنها قلقت منه وقالت لنفسها: بعد اللي شوفته وخلاني فقدت النطق والحركة مستحيل أثق فيك ثاني.

__ ماهر أخذ هدموم ومشى..

أمير وصل البيت ثاني يوم الصبح: فين بابا يا ماما من امبارح مشوفتهوش ولا أعرف عنه حاجه.

غادة: جي أخذ هدموم وقال هيسافر يومين تبع الشغل، هو انت بيبي كويس؟، انت مأكلتش من امبارح وعنيك باين عليها التعب وأنها مشفتش النوم، بيبي لو هتعمل في نفسك كده وفي صحكتك مش هتعرف تقف على رجلك ولا تساعد شجن.

أمير: مليش نفس لأي حاجه يا ماما ، وعنيا مش عارفه تغفي وشجن مش معايا.

غادة: أنا هجبلك أكل وتدخل تنام حتى ساعتين حاول بيبي عشان تعرف تقاوم.

__ (أمير قاعد يراجع الكاميرات وبالفعل لقي العربيه دي والراجل المُقنع كانوا حوالين البيت من بدري قبل ما هو وشجن يطلعوا من البيت، لكن المفاجأة إن لقي علي واقف معاهام وبيتكلم، فأمر قرر يراقب علي ويتبع خط سيره لأن حس إن ليه علاقه بالموضوع.)

__ غادة جابت الاكل لأمير وأكل وأخذ دوش ودخل ينام.

_____ #الكاتبة آية_ أحمد_ أبوداعوس _____

(جاء المساء وأمير صحي من النوم وراح القسم)

أمير: ها في أي أخبار؟، موصلناش لجديد!.

صابر: لأ يا فندم.

أمير: طيب أنا عاوزك تجبلي تسجيل مكالمات الرقم دا وخط سيره لأن أنا شاكك فيه.

(وراح أمير عند بيت علي يراقبه، فضل فتره طويله واقف بعيد لحد ما الساعه جات 2ص علي خرج من البيت وأمير كان خلاص بينام على نفسه، لكن اول ما شاف عربيه علي فاق بسرعه ومشى وراه)

أمير بيقول لنفسه: بقا دا وقت تخرج فيه!! ، نفس الوقت اللي كنت عامل فيه المصيبه في البيت عندنا وأنا وشجن كنا هنسيب بعض بسبيك.

_ (ومشي أمير ورا علي لحد ما وصل جراش كبير في منطقه مقطوعه والجراش إتفتح أول ما علي جيه قدامه ودخل بالعربيه جوا الجراش)

أمير: إي الجراش دا؟ وياترى مين اللي فتح ل علي الجراش واي اصلا جابه في وقت زي كده في المكان المقطوع دا !! ، طب أنا هدخل جوا كده ازاي دلوقت!!».

_ (أمير قاعد بيص على تفاصيل البيت لكن مفيش مدخل للجراش غالبًا غير المدخل اللي علي دخل منه، فقرر يركن عربيته بعيد ، ويخبط على الجراش من بره لحد ما حد يفتح الجراش ويدخل براحه)
(أمير عمال بيخبط على الجراش)

علي: أنت يا حيوان اخرج شوف إي الخبط دا ، وفين البننت؟ .

الرجل المُقنع: حاضر يباشا، والبننت جوا في المستودع.

_ وخرج الراجل المُقنع يشوف مين ، لكن أمير شنكله من ركبته وكسر هاله ودخل جوا براحه.

(علي داخل لشجن عمال بيصلها جامد نظرات كلها طمع وبيتأمل في وشها اللي كله دموع وحزن على أمير اللي مفكراه مات، وشال الزقه من إلى بوقها وفاقت شجن من الشدة بتاع اللزقة وجعتها.)

شجن: هو أنت يا حيوان!!!! ، عاوز إي مني، أمير كان بسبيك ، أنا هنتقم منك مش هسبيك .

علي ببرود وهو ببيتسم: قد إي إنتي جميله يا شجن حتى والحزن مالي وشك على الزباله جوزك.

شجن: متغلطش فيه يا حيوان، أمير أرجل حد في الدنيا، مات بسبيك وهو بيحاول ينقذني، انا لحد دلوقت مش مستوعبه إن أمير مات ، وإنهارت شجن ثاني في البكاء .

علي: هو اللي غبي ، حد قاله إخط في الصخره وهو سائق بالسرعه الجنونيه دي!! ، بس يلا أصل لو مكنتش العربيه انفجرت به أنا كنت همو"تهولك بردو..

وبعدين مش قولتلك إنتي ليا أنا وبس، أنا محبتش غيرك يا شجن ومش عاوز غيرك، أنا مفيش حاجه كنت عاوزها وأخذتها، أمير طول الوقت قدام عنيا واخذ كل حاجه نعسي فيها، حتى شغله كان نفسي أنا اكون ظابط وإتدريت وإشغلت على نفسي وفي الاخر متقبلتس، كان نفسي اكون غني زيه لكن عيلتنا فلست بسبب بزخ أمي وإستهتار أبويا، حتى البننت اللي بحبها أمير أخذها هي كمان، إنتي ليا أنا وبس يا شجن.

طلبنا الإسعاف يا حبيبي هتكون كويسة والله بس إهدى حايك قوي وإمسك نفسك بعم هنخيب ولا إي ! لازم تبقى قوي عشانها يا أمير وتمسك نفسك هي محتاجك في الوقت دا.

(نقلوا شجن على المستشفى لكن كانت محتاجة نقل دم عشان فقدت دم كثير ولازم يتعملها عملية في أسرع وقت لأن وصلت في آخر لحظة)

الدكتور: أنت جوزها؟ ، هو إي حصلها؟، لازم حضرتك تنزل تعمل محضر بالحالة .

أمير متعصب جداً وزعق للدكتور: محضر إيه إللي بتفكر فيه إنتي دلوقت؟! ، أنت مش شايف إنها بتموت! ، واتخانق مع الدكتور.

مجدي حاول يهدي أمير وقال للدكتور: حضرتك أنا متفهم إن الأشياء دي روتين ولازم تتعمل وإعتبرها اتعلمت خلاص، دا حضرة الطابط أمير ماهر والست اللي جوا دي تكون مراته وأغلى حاجة عنده ، ياريت تعمل كل ما بوسعك عشان تنفذه.

الدكتور: أمير بيه؟! ، أنا اسمع عنه إن طابط مهم جداً وكفاءة ، حاضر أكيد يا فندم بس حالياً محتاجين نقل دم وزمرة د'مها نادرة جداً مش متوفرة دلوقت ، إحنا هنحاول نعمل كل اللي نقدر عليه لحد ما توفرو لنا الدم لأن لازم تدخل عمليات في أسرع وقت ممكن.

مجدي شايف أمير مُنهار جداً ومن قلة النوم والصدمة اللي حصلت مخلياه مش قادر يقوم على رجليه حتى وبحاول يهديه : أمير أنا جنبك يا حبيبي طول عمرنا اخوات وفي ضهر بعض ، وهي هتكون كويسة الدكتور طمني بس حالياً محتاجين نقل دم ضروري عشان تدخل عمليات وفصيلة د'مها نادرة مش متوفرة في المستشفى ومفيش وقت طويل قدامنا.

أمير بدأ يهدى فعلاً ويفوق وقال لمجدي: وريني الورق.

أمير أول ما بص على في الورق والفصيلة المطلوبه إتفاجئ وقام بسرعه قال ل مجدي: قوم يا مجدي بسرعه شجن طلعت نفس فصيلة د'مي والدموع نزلت من عيونيه من شدة حبه لشجن وإنها كمان طلعت نفس فصيلته .

مجدي خاف وقال: طيب يا أمير أنت مش شايف حالتك!! أنت مش قادر تقف على رجلك ومأكلتش ولا شربت حاجه ، بيني كده غلط مينفعش وكمان لازم يكون ضغطك متظبط عشان تعرف تتبرع .

أمير: لأ هشرب شويه مايه واغسل وشي وبلا عرف الدكتور إن جاهز بسرعه مفيش وقت.

مجدي مش عارف يقوله إي ولا يعمل أي بس عاوزه عازرة وقال فعلاً يقول للدكتور وجهزه الحاجة وفي الوقت دا أهل شجن وأهل أمير معدا ماهر وصلوا المستشفى.

مجدي: خد يا أمير أشرب العصير دا عشان ميحصلش حاجه ، وانتوا يا جماعة إهدوا كل حاجه هتكون بخير بس إدعولهم.

والدة شجن منهارة من البكاء وبتقول لوالد شجن: مش أنا قولتلك إن شجن فيها حاجه وإنها مش كويسه ؟ مش أنا قولتلك إن قلبي مش مطمئن.

والد شجن بيحاول يتماسك وشايف حالة أمير وحشه جداً وكمان داخل يتبرع لها بالدم رغم خالته فمقدرش يتكلم معاه ولا يلوم عليه ان ازاي يحصل كده في شجن وأنت موجود معاه وقال ل والدة شجن: إهدي بس هتكون كويسه إدعيها.

غادة والدة أمير مش فاهمه حاجه وداخت ومجدي سندها وقعدھا على الكرسي وقالھا: إھدي يا طنط أمير ھيكون كويس هو وشجن يا جماعه إدعولھم بس مفيش لزوم لدا كله !.

(ودخلت شجن العملياء ودخل أمير معاھا عشان يتبرع بالدم والعملياء تمت الحمد لله وخلص شجن نجت من الموت في آخر للحظه بفضل ربنا والدعوات وأن أمير إتبرعھا ، لكن المفاجأة إن بعد ما العملياء خلصت وشجن نقولھا أوضتها حالة أمير ساءت جدًا وجالھ ھبوط ومحتاج محاليل، لكن علقولھ محاليل مفيش نتیجھ وإضطروا أنهم عاوزين نقل د'م في أسرع وقت لأمير)

(الكل برھ فرحان إن شجن خلاص ھتبقا كويسه لكن مجدي شایل ھم أمير لأن شاف حالته وعارف انھا صعبه جدًا بسبب حبه وخوفه على شجن)

أمير: يا دكتور هو امير اتاخر ليه جوا؟! هو في إي؟.

الدكتور خايف يقول لأن خايف لأمير يحصله حاجه وھما ناس ثقيلة في البلد وفي نفس الوقت لازم يقول عشان يتصرفوا في د'م وقال: يا فندم دلوقت أمير بيه محتاج نقل دم لأن حالته وحشھ جدًا وجالھ ھبوط من المجهود الكبير اللي عملھ وكمان لما نقل د'م وھو في الحالھ دي .

مجدي خاف جدًا على أمير وقال للدكتور: إزاي يعني ؟ طيب ھنعمل ای ؟ دا أنت بتقول أن النصيلھ نادره ولولا أمير موجود مكناش نقذنا شجن .

الدكتور: مش عارف والله بس هو حاليا على المحاليل لحد ما نحاول نتصرف وأنا بحاول من ساعه ومش عارف ألاقي عشان كده كان لازم أعرفك.

مجدي: طيب أنا ھتواصل مع بنوك الد'م بردو وھتصرف من تحت الأرض.

غادة إطمنت على شجن وقلبھا موجوع علیھا وعلى أمير ابنھا ، وعمالھ تسأل علیھ محدش بيبيدھا.

– لكن جيھ مجدي قال لازم یعرف غادة إن أمير محتاج نقل د'م عشان ھي أكيد ليھا معارفھا وممكن تقدر تتصرف معاھ بس ھجيبھا الموضوع براحھ عشان ھي يدوب لسھ قايمه من الوعكھ الصحیة إلیي كانت فیھا مش متحملة.

مجدي: يا طنط أنا عاوزك تھدي دلوقت أمير بخير الحمد لله لكن حاليًا معلق محاليل لأن إتبرع بد'م لشجن وھو جسمھ أصلاً كان ضعيف وضغطھ مش متظبط وانتي عارفھ ابنك مش بيسمع كلام حد، كان أهم حاجه عنده إن ینفذ شجن والحمد لله ھي بقت بخير دلوقت وھو كمان ھيكون كويس بردو مش محتاجين نقل د'م في أسرع وقت وفصيلة د'مھ نادرة مش متوفرھ حاليًا.

غادة إضطربت وقامت وقفت : نقل د'م لي؟؟ وعيطت جامد وقالت أنا عاوزھ أشوف ابني، ھو فين أمير؟.

مجدي: يا طنط بقول لحضرتك إھدي، تعالي أورھولك، ھو ھيكون كويس بس محتاج كيس د'م مش أكثر.

غادة: أنا ھتصرف من تحت الأرض وأجيب، ودخلت تشوف ابنھا.

– غادة إطمنت على أمير وقلبھا ھدي شويھ لما شافته، ومرھ واحده لقت تلفونها بيرن وكانت على التلفون سعاد أم علي وصوتھا كان متوتر وقلقانة جدًا.

سعاد: ألو يا غادة، ھو أمير حصل معاھ ابھ؟، انا سمعت ان ھو ومراته إنضربوا بالنار ! ،بس مين إلیي كان خالطف شجن ولي؟ ، ھو أمير كويس يا غادة.

غادة خافت أول ما سمعت صوت سعاد كده وخافت لتتهور وتعمل حاجة وقالت : هو كويس إطمني بس أحنأ دلوقت محتاجين نقل د'م ضروري لأمير وفصيلته نادرة ومش موجوده دلوقت.

سعاد: أنا فصيلة دمي زي أمير ، أنا جايا حالأ المستشفى قوليلي اسم المستشفى اي وأنا جايا حألاً.

غادة فرحت إن نفس الفصيلة لكن خافت جدأ بس كان كل همها انها تنقذ أمير وقالتلها إسم المستشفى.

(سعاد متعرفش إن علي إبنها إللي عمل كده في شجن ولا حتى غادة تعرف حاجة ، ودخلت تتبرع بد'م لأمير وشجن بدأت تفوق وأول ما بدأت تفتح عينيها قالت أمير ، أمير ، أمير وقعدت تنادي عليه وتقوله أنا بحبك يا أمير..)

(ام شجن جنبها وفرحت أول ما شجن فاقت وقالتلها أنا جنبك يا حبيبي وأمير موبس متقلقيش، شجن فتحت عنيتها وقالتلها ماما !! ، إنتي هنا بتعملي إي ؟ هو أي حصل ؟ هو فين أمير ؟ وبدأت تفنكر اللي حصل وعبطت)

(والدة شجن تهدي شجن ومرضتش تقولها إن أمير تعبان وفهمتها إن هو بخير بس تحت بيخلص شويه حاجات وشويه تقولها إنه في القسم بيعمل الإجراءات المطلوبة لحد ثاني يوم دخلت سعاد على شجن تظمن عليها)

(شجن أول ما شافت سعاد إتعبت ولفت وشها الناحية الثانية وقالتلها إنتي بتعملي إي هنا ؟؟)

سعاد: أنا جايا اظمن عليك وعلی أمير يا حبيبي أول ما سمعت عن اللي حصل معرفتش امسك اعصابي وجيت عطلول .

شجن بعصبيه وتعجب : معرفتش تمسكي اعصابك؟! ، وبعدين تظمني على أمير ازاي يعني أو أمير هنا؟.

غادة دخلت مره واحده وقالت أها يا حبيبي هنا أهو بس نزل ثاني يجيب حاجات وجاي انتي المهم عامله اي دلوقت؟.

شجن: أنا كويسه يا ماما بس نادي أمير والنبي محتاجه اشوفه.

سعاد مستغربه من طريقة شجن معاها وكمان مستغربه إن متعرفش إن أمير كان تعبان ، ف غادة اخدت سعاد وخرجوا بره.

(أمير فاق ونادى على شجن ، وسعاد وغادة راحوله وشجن حست إن سمعت صوت أمير وقامت تشوف هو فين لأن قلقت وحست أنهم مخبين حاجه وإن ممكن يكون مش كويس ، أصل لو كويس هينادي عليها ليه ؟ ، ما هيدخلها عطلول ، وكمان ازاي من امبارح مدخلش يظمن عليها !!)

(غادة وسعاد دخلوا لأمير ، وأمير كان خارج بره مقابلهم عاوز يروح لشجن ، لكن قوته كانت لسه مش زي الاول فهما حاولوا يهدوه ودخلوه جوا ثاني وداخ ثاني فطلبوا الدكتور وبعدها أمير داخ ونام)

(في نفس الوقت شجن بتحاول تتحرك وتروح تشوف أمير فين ، لمحت شجن غادة داخله في أوضه قريبه منها فراحت شجن ناحيتهم عشان تسألهم على أمير فين)

(راحت شجن ناحيتهم واول ما جيت تدخل الاوضه شافت من الشباك اللي في الممر أمير نايم على السرير ومتعلقله محاليل ، فعرفت أنهم مخبين عليها إنه تعبان وأن فعلاً أمير لو كان كويس مكنش سابها طول اليوم لوحدها منغير ما يظمن عليها،لكن استغربت من سعاد اللي وشها باين عليه القلق على أمير وماسكه إيده بتبكي وأمير نايم خالص مش حاسس بحاجه)

شجن بتكلم نفسها: هو إياه دا ؟ إزاي سعاد متأثرة بالشكل دا لي اصلا وكمان ابنها هو اللي خطفني !! ، وقربت شجن من الاوضه على مهلها لأن مكنتش قادره تتحرك بسهولة بردو ، لكن سمعت وهي بتقرب عليهم كلام بين عادة وسعاد ، وعادة بتقول ل سعاد معلش إهدي هيكون كويس، شكراً إنك إتبرعتي بد'م لأمير، وعارفه إن مفيش داعي أشكرك لكن الحمد لله ربنا بعثك لينا في الوقت المناسب ولولا إنك رنيتي عليا في الوقت دا مكنتش عارفه اعمل ايه؟

سعاد بتتكلم وصوتها كله وجع وهبوط : بتشكريني على إني يا عادة دا إبنني !! ، أمير إبنني يا عادة ولا إنتي نسييتي ؟ ، دا حنة مني ، كان عايش جوايا 9 شهور يا عادة!!! ، أينعم انتي اللي كبرتني بس أنا اللي ولدت، وطول الوقت وهو بيكبر قدام عنيا معاكي وبيقولك انتي يا ماما انا قلبي بيتوجع بس بفرح إنه قدام عنيا وأنتك ربيتي نعم التربيه ، يمكن لو معايا مكنتش هربي كده وباست سعاد ايد أمير.)

(شجن مصدومة وبتقول أمير بيقا ابن سعاد !!!! إزاي دا ؟؟ ، يعني علي و أمير اخوات ؟؟؟ ، شجن مصدومه من اللي سمعته ومش قادره تستوعب، إن علي وأمير.... الشخصين اللي بينهم صراع بسببها يكونوا اخوات !! وسمعت عادة بتقولها بصوت موجه وخايف معاكي حق بالنهاية أمير إبنك مفيش داعي أشكرك على الدم....)

- شجن مصدومة وز علانة إن إكتشفت كده ، وحست بالذنب لأن حالياً في صراع بين أخين بسببها، وإن علي كان عاوز يموت أمير اللي هو أخوه ! ، ومش عارفه تقول لأمير ولا تعمل إي..).

رجعت أوضتها تاني من سُكات من الصدمة وقبل ما حد يأخذ باله إنها سمعت حاجة، وفضلت تفكر هتعمل إي ، لكن مرة واحده لقت عادة داخله عليها وبتظمن عليها ،لكن شجن كان واضح عليها إنها سرحانه وهبطانه مش زي ما شافتها من شوية .

عادة: مالك يا حبييتي إنتي وشك أصفر ومخطوف ليه كده ! ما إنتي كنت كويسة من شويه .

- شجن مردتش عليها لأنها سرحانه ، فعادة هزت كتف شجن وقالتلها: شجن! شجن!...

شجن: نعم يا ماما ؟.

عادة: مالك بينتي انتي كويسه؟.

شجن بدون مقدمات: هو فين أمير يا ماما ؟ ، هو انتوا مخبين عليا إنه تعبان ! ، أنا سمعت صوته بيناديلي من شويه لكن انتوا قولتولي أنه مش هنا أصلاً ، وأكد أنا مش بتخيل يعني لأن أنا حافظه صوت أمير ، أرجوكمي بلاش تخبي عليا كالعادة .

عادة:أخبي عليك إي يا شجن! هو أنا بينتي خبييت عليك حجه قبل كده ؟! ، وأمير كويس هو حصله شوية مضاعفات وهو بينقلك دم لأن فصيلة دمك نادرة وهو طلع نفس فصيتك،فهو اللي نقلك دم ونقذ حياتك من الموت وكان وقتها جسمه ضعيف ومش لاقين ليكي مُتبرع.

شجن بتقول في نفسها يعني كمان أمير د'مة عاد بيجري في د'مي زي حبه ! ، يعني أنا دلوقت لسه عايشة بفضلة بعد ربنا !،يا حبيبي يا أمير وقلت ل عادة: يا ماما أنا عاوزه أروح لأمير حالاً أشوفه، ثم إن فين عمو ! إزاي أمير اللي المفروض إن هو إبنه ومرات إبنه في الحالة دي وسايبة كده !.

عادة بزعل من طريقه شجن: هو في شغل يا حبييتي وجاي بكره.

هانم وفكري في كلامك قبل ما تقوليه بعد كده ، لأن أنا خلاص معنتش هسكلتلك ، انا سكت كثير اوي لما فاض بيا ، شوفت ذل كثير اوي منك لحد دلوقت لكن خلاص، أصلاً أمير لو عرف حقيقتك هيكرك ، أنا خايفه بس اعرفه عشان سبب واحد ، عشان خايفه يتصدم إن أمه الحقيقه تبقا واحده زيك ، ولا تعرف حاجه عن الأمومة ولا المسؤولية، رميتي إبنك لما أبوه إستشهد الراجل المحترم الخلق اللي كان ظابط ليه كلمته في الجيش وكان ذو نظرت ثاقبه في كل الامور لكن للأسف قلبه خانه واختار ام لأمه لا تصلح للأمومة، أول ما أبوه أستشهد والظروف ضاقت بيكي رميتي أمير ولولا أنا شوفتك وإنتي بتسبيه في الشارع كان زمانه م'يت دلوقت وروحتي جريتي ورا الفلوس واتجوزتي راجل غني وجابت بعدها تقولي ابني وسكنتي جنبنا لكن لما ربنا رزقك ب علي نسييتي أمير تاني ومبقتيش تيجي غير كل فين وفين ، أنا ربنا مكتبلش الخلقة لكن أنا حسيت بكل معاني الامومة تجاة أمير ، أمير دا حته مني ، أمير دا إبنني ، أمير دا عوض ربنا ليا عن عدم الخلفه،والحمد لله رببت وعلمت وطلع ظابط قد الدنيا زي أبوه اللي هو كان جوزك، عرفتي بقا يا سعاد أنا مش عاوزه اعرفه إنك أمه ليه ؟، عشان إنتي مينفعش تكوني أم ، الام هي اللي تربي وتداوي وتسهر وتاكل وتلبس وتهتم وتكبر وتسد وتجاوز مش اللي تولد وترمي.

(سعاد انصدمت من كلام غادة ومعرفتش ترد عليها لكن كل اللي عملته أنها فضلت تعيط بحرقه وانكسار ، ولأول مرة تكون بالشكل دا، جبروتها كله وقع مرة واحده وبقا تحت رجل غادة ، وغادة طلعت قوتها كلها في اللحظة دي وأثبتت حبها لأمير وأنها خايفه عليه، وشجن سمعت الكلام دا كله وعرفت الحقيقه كلها ونزلت تحت تاني ، لكن استغربت أن ماهر هو كمان بيضغط على غادة واخذ أملاكها لي ؟ مش المفروض ماهر هو اللي واخذ أمير معاها عشان يربيه لأنهم معندهومش اطفال؟ ، وطلعت فعلا انجلطت بسببه اهو بسبب ماهر!.

_____#الكاتبة آية_أحمد_أبوداعوس_____

(فات كذا يوم بعد ما الأمور كانت هادية لكن حالهم خبر أنهم لقوا مكان علي، وأمير لبس هدومه بسرعة وراح المكان اللي المفروض علي فيه عشان يقبض عليه ، لكن ملقاش علي وقتها في المكان واتضح انه هرب قبل ما يوصل البوليس ، لأن كان موجود أكل وحاجات تدل إن حد كان قاعد هنا)

(يومها بالليل بعد ما أمير جيه ونام شجن شافت نفس الخيال اللي كانت بتشوفه قبل كده ، واللي اخر مره شافته يوم ما حارس الجنينه إندبج في أوضته بعد ما راحت سألته إذا كان شاف أو سمع حاجة وهو نكر)

(شجن صحت أمير من النوم لأن لقت نفسها خايفه و دابخه وهي قبل كده وعدت أمير إنها مش هتخبي عليه حاجه تاني ولا هتتصرف من دماغها، فصحت أمير وقالتله أنها شافت خيال في الجنينه تاني ،أمير صحي بسرعه مغزوع وقالها خيال!! ، يعني احنا كده ممكن نوصل للقاتل اللي د'بج الجنائني)

شجن: ايوه يلا قوم بسرعة.

- أمير بص من البلكونه بتاعت أوضتهم وفعلا سمع نكش تحت وشاف خيال ، فكلم مجدي صاحبه وخلاه يجيب قوة وتيجي على البيت، مجدي إستغرب في وقتها لكن أمير قاله إعمل اللي بقولك عليه مفيش وقت أشركك دلوقت.

(نزل أمير ومعاها شجن ، وشاف بالفعل خيال جاي من ناحية الأوضة المهجورة اللي قفلها مصدي ومحدث بيفتحها نهائي من يوم ما وعي وبدأ يفهم وهو طول الوقت كل اللي حوالياه بيقلوله إوعي تروح هناك كده في بوع ، وهو خلاص كبير أمير وإقتنع إن الأوضه دي أكنها مش موجوده في البيت ومحدث بيجي ناحيتها،بس ياترى مين اللي واقف عندها هناك دا؟! ، وبدأ أمير يقرب من الأوضة واحده واحده لكن مرة واحده لقي باب الأوضه المهجورة بيتهزر وكان حد جواه وهيفتحة!!!!، شجن مسكت جامد في أمير وأمير وقف مكانه من الصدمه ولما ركز شويه لأن الجو كان ضلمه جداً لقي قفل الباب مش موجود المره دي وعرف إن حد فعلاً شال القفل وهو اللي جوا وقرر يرجع يستخبي يشوف إي هيحصل عشان شجن معاها وميحصلهاش حاجه لو قرب وإتهور وقرر يستنى يشوف مين الراجل

اللي لابس قناع دا ومين اللي بيخبط جوا في الباب وهيخرج ، مع أن قفل الباب دا مش موجود مع حد نهائي لأن من زمان جدًا ولو موجود هيكون موجود مع أهل البيت فقط وحارس الجنينه الله يرحمه).

(والصدمة لما أمير وقف لقي ماهر هو اللي خارج من الأوضة المهجورة!!!!.)

أمير وهو متعجب ومصدوم: بابا!!

شجن إتفجئت لكن مش اوي زي أمير وسحبت أمير ناحيتها وقالتله: هووووس بس يا أمير إستنى نشوف مين دا إستنى ، مش قولتلك قبل كده أن عمو كانت رجله فيها طين لما سمعنا صوت قبل كده في الجنينه في نفس الوقت وهو نكر إن خرج !! ، إستنى بقا نشوف في أي!)

أمير وهو بيحاول يكذب عنيه ومش عارف يتصرف ولا يعني حاجه وحاسس إن أعضاؤه كلها إنشلت ومش قادر يستوعب حاجه ،لكن فجأة لقوا الرجل المقنع بيرفع القناع من على وشه والصدمة إن طلع علي هو الرجل المقنع اللي واقف!!!!!!).

(أمير وشجن مصدومين من اللي قدامهم وبيحاولوا يكذبوا عنيهم لكن مضطرين يقفوا ويشوفوا إي هيحصل.

– لكن أمير مره واحده افكر وقال : شجن أنا كانت مجدي وقولتلك يجيب قوة على البيت ، دلوقتي لو القوة جات مش هنلحق نعرف حاجه وممكن كده يتهموا والدي وهو يطلع برئ).

شجن وهي كلها حزن على أمير اللي جواه حب وإمتنان لماهر اللي مفكره والده رغم إنه شخص إستغلالي واخذ أملاك عادة وهو ميكونش أبوه ولا عادة أمه ، وأمه تكون سعاد وأبوه ظابط في الجيش وأستشهد وهو صغير ، لكن حركت إيدها عليه بحب وقربت منه وبصت في عيونه وقالت: متقلقش يا أمير ربنا مبيظلمش حد ولا بياكل حق حد مهما كان ، ولو على القوة إبعث رساله لمجدي وعمال التالفون صامت عشان لو رن مره واحده ماهر وعلي ميسمعوش حاجة.

أمير: بعث رساله لمجدي قاله إتأخر شويه وخليك ومتدخلش البيت غير لما أبعثلك رساله وتملوش صوت، ومره واحده لقوا علي بيقول ل ماهر..

علي: أنت تتصرف وتخليهم يتنازلوا عن القضية دي أنا مش هروح فيها لوحدي ، انت عاوز تلبسين الليله ولا إي يا كبير؟!!

ماهر: بس هدي صوتك، أنا هحاول أتصرف وبعدين هو حد قالك تتصرف من دماغك ولا تتهجم عليها و تضر'ب نار' كمان!، إحنا قولنا إنك هتخطفها ومش هتكشف عن هويتك ولما أمير يجي ينقذها هنموته ولا مين شاف ولا مين دري ، وأنا كده كده عادة كتبتلي نصف الأملاك ليا والنص الثاني لأمير عشان كده كنت عاوز اخلص عليه عشان اخذ كل حاجه لما يغور ، وأنت بعدها تحاول تلف على شجن وتعمل فيها إنك إتغيرت وتكسب قلبها وتتجوزها.

(أمير وشجن واقفين يسمعوا الكلام أكنهم في حلم ومش قادرين يصدقوا كمية الغل وأمير مش مستوعب ازاي أبوه عاوز يعمل فيه كده !!!!).

علي: أنا مش عارفه لو عندي أب زيك كنت المفروض أدفن نفسي بالحياة يجده، Sorry أب زووور... هههههههههههه.

(أمير واقف مش قادر يستوعب الكلام اللي بيسمعه وبيقول لشحن إزاي كده !! ، ماهر مش أبويا!!، طيب وغادة هي كمان مش أمي؟؟ أنا مش فاهم حاجه!!، هو إل واقف هناك دا ماهر والدي ولا مين يا شحن ، أنا حاسس إن أنا في حلم يا شحن..

شحن ضمت أمير ناحيتها وقالته : عارفه أن الكلام اللي بنسمعه صعب بس خيلنا نسمع للأخر ونفهم كل حاجة إهدي بس عشان كل حاجة غامضة تتحل يا حبيبي أنا جنبك يا أميري.

(كمل أمير كلامه وقال ل ماهر: لازم تتصرف وتشوفلي حل في المصيبة دي لأنك مشترك معايا فيها، أنا مش هفضل طول حياتي هربان لأن لو إتمسكت مش هلبسها لوحدي.... أنا هتعرف على كل حاجه وهتعرف كمان إنك أنت اللي قتلت خالد جوز غادة الأولاني واللي هو كان صاحب عمرك ووقتها بقا لإما هتأخذ تأبيدة لإما تقابل عسماوي سريع سريع ونخلص وأملاك غادة اللي أخذتها ثمن سكوتك عشان أمير ميعرفش إنها متبنياه هتروح عليك يا حلو وترجعلها من جديد وتخسر أنت كل حاجة)

ماهر بغضب: إخرس بقا ، مش خايف لأخلص عليك دلوقت مكانك بعد الكلام اللي انت قولتله دا؟! ، يعني محدش يعرف دا كله غيرك أنت وغادة ، وغادة ساكته رغم انها عرفت إن أنا اللي قاتل خالد حب عمرها وجوزها الأولاني بس سكتت وفوق كده كمان تنازلت عن نصف أملاكها عشان خاطر أمير ميعرفش حاجة،فاضل انت بقا ممكن أخلص عليك عادي جدًا!!، لأن محدش تاني يعرف حاجة.

(لكن مرة واحده أمير طلع هو و شحن وقاله بصدمة كبيرة جدًا و عيون كلها دموع: وأنا يا بابا !!)

(ماهر أول ما سمع الصوت أتصعق مكانه وخاف لأن عرف إن كده راح في داهية وكل حاجة أمير عرفها هو و شحن!!)

ماهر بلع ريقه وقال: وانت إي بيني؟؟

أمير: أقولك يا بابا ولا أقولك يا جوز أمي ولا أقولك مجرم!!.

(ماهر عرف إن أمير سمع كل حاجة وقاله: أنت فهمت غلط يا أمير ، دا علي كان جايلي عشان نحل الموضوع معاكوا وتتنازلا لأن حرام شب طايش ومستقبله هيضع و...، لكن قبل ما ماهر يكمل كلام أمير قاطعة وقاله: إخرس ، أنا مش عاوز ولا قادر أسمع صوتك، كفايه كذب بقا! ، أنت اللي اتفقت مع علي عشان يخطف شحن ، وأنت اللي كنت عاوز تموتني، وأنت اللي أمي اللي مش عارف إذا كانت أمي ولا أنا مين أهلي ! جاتلها جلطة بسببك ، وأنت اللي قتلت صاحب عمرك!!، أنت كل دا إزاي ؟ ، أنت إزاي كنت عايش وسطنا وبتأخذني في حضنك كده عادي؟، إزاي كنت بتبص في عنيا وأنا كنت بتمنالك الرضا ترضى من حبي فيك وأنت تكون عاوز تقتلني وخاطف مراتي!، أنت لازم تاخذ جزاءك وتتحبس أنت وعلي .

(علي طلع المسدس بناعه ورفع على رأس أمير وقاله : لو فكرت بس مجرد تفكير انك تبلغ البوليس أنا هفرغ الخزنة كلها في دماغك ، لكن شحن صرخت جامد أول ما شافت علي رافع السلاح على أمير)

(أول ما القوة اللي مجدي جايبها وجاي سمع صوت صريخ اتحركوا بسرعه قبل ما أمير بيعت أي ماسيدجات ، لكن علي أول ما شاف القوة والقيلا كلها بقت منورة وخالص عرف إنه إتكتشف ، ضرب'ة في الجو وقالهم اللي هيقرب هخلص عليه.)

(غادة سمعت صوت ضرب الناس و سعاد بما إنهم جيران سمعت وعرفت إن الصوت جاي من عند أمير و راحت عندهم القيلا، لكن المفاجأة أنها لقت إنها علي رافع السلاح على اخوه أمير ، وغادة وشحن واقفين مصدومين مش

عارفين يعملوا ايه، لكن حاولوا يقنعوا علي ينزل السلاح بس هو كان مُصر إن طول ما القوة موجوده مش هينزل المسدس من على راس أمير ، ومرة واحده القوة بدأت تقرب عليه وقالت هنعُد من 1:3 لو منزلتش السلاح ح هنبداً في ضرر"ب النار ودا هيخلي موقفك أسوء يا علي فكر كويس)

بدؤا في العد...1.....2...

(في الوقت دا سعاد بتحاول تقنع ابنها علي ينزل السلاح"ح ويسلم نفسه لكن هو اعترف على كل مصائب ماهر وإنه قاتل صاحب عمره اللي قضيته إتأيدت ضد مجهول، وإنه شريك معاه في الخطف مش هو لوحده ، وطبعا كل اللي موجود كان مصدوم من الكلام معدا عادة اللي قبلت تسكت عشان خاطر خايفه على أمير.)

- مجدي خلاص هيقول 3 وهيبداً في الضرب لكن سعاد مرا واحده قالتله علييييييييي...عاوز تموت أخوك يا علي !!! ، أمير بيقا أخوك يا علي.

(وفي اللحظة دا الكل واقف في صمت ومصدوم وعلي نزل السلاح"ح من الصدمه وقال: أخويا!!!)

علي: أنا بكرهه ، أمير أخذ كل حاجه كان نفسي فيها ، حتى البنات اللي حبيتها أخذها مني ، أنا بكرهك

أمير بصدمه: أخوه !! ، إزاي ؟

(سعاد حكّت لأمير وعلي كل حاجه وحكتله قد أي هي أم سيئه وتستاها أنها تشوف المنظر دا قدامها دلوقت ، الاخين أعداء وواحد منهم رافع السلاح"ح على الثاني!!!)

(عادة واقفه منهار من العياط ومش عارفه تعمل اي ولا تقول اي وخايفه على أمير وفي نفس الوقت خايفه منه إن يبعد عنها بعد ما سكنت عن موت جوزها خالد عشانه واتنازلت عن حاجات كثير عشانه)

أمير: ردي يا ماما عادة، انتي ساكته لي ؟ ، انا أكون ابن مين ؟، انتي مش امي ؟، انا ابن مين فهموني !.

عادة وهي منهاره : أنت ابني يا أمير وأنا أمك....حتى لو مكنتش أنا اللي خلغتك ، أنا شوفت سعاد وانت عندك لسه شهرين وهي رايحه تسبيك في الشارع بعد ما والدك إستشهد لانه كان زيك يا حبيبي ظابط ، وأنا وقتها نزلت من العربية انا وخالد الرجل الوحيد اللي حبيته وكنا متجوزين وقتها بقالنا 8س لكن ربنا مرزقناش بالخلفه لأن أنا مش بخلف ، فوقتها حاولنا نمنع سعاد امك أنها تسبيك كده وغيرها مش لاقى ظافر طفل ، وأعطتها كارت تلفوني وقتها وأن هتكفل ببيك معاه لكن هي مرضيتش ، فأنا اخدتك واعتبرتك ابني ،بعدها بقت كنت خارجة أشتري حاجات ليك ورجعت لقيت البيت مقلوب وخالد جوزي مد"بوح لكن معرفناش وقتها مين الفاعل لحد ما سمعت ماهر وهو بيتكلم مره وماسك صورة خالد جوزي بعد ما أنا حولتله نصف أملاكي عشان يسكت وميقولكش انك مش إبننا لأن كنت خايفه عليك لما تعرف حقيقه أمك اللي رمتك وأنت طفل ، كان ماسك الصوره وبيشرب خمور وبيضحك ضحكه هستيرية وعمال يقوله أنا اللي اخدت منك مراتك واملامك وروحك ، وقتها أنا من الصدمه جاتلي حاله عصبيه وانجلطت لكن مكنتش عارفه اقول اي ولا اعمل اي فخوفت عليك اكثر من ماهر لما عرفت أنه مجرد وسكت ، وكانت دي صدمه كبيره ليا بعد ما كنت شايفه ماهر الراحل المُسالِم والخلوق اللي طلب مني بعد وفاة خالد اسجلك على اسمه ونتجوز ويربيك معايا لأنك اكيد طفل وهتكون محتاج أب ، وحاول يتقرب مني كثير عشان أحبه واوافق على الجواز ، لكن النية من دا كله كانت جشعة وطمعة.

(كده أمير عرف كل حاجه وكل حاجه بقت على المكشوف والبوليس قرب منهم عشان يقبض عليهم لكن "علي" مرة واحده قال: يعني أنا دلوقت خسرت كل حاجه ، لا نافع في التعليم ولا في الدنيا ولا عارف ربنا ، ولا اخدت اللي نفسي فيه ، وضحكت على بنات كثير وإبتزيتهم وكسرتهم، اكيد ربنا بيخلص مني على عمالي، دا انا مفكرش

أن عملت حاجه واحده مفيده في حياتي ولا حلوه غير إني حبيت شجن وحتى هي كمان مبقتش ليا، طيب أعيش لي؟؟!! ، ورفع "علي" السلأح على دماغه ،والكل حاول يمنعه ومنهم أمير ، لكن علي قاله لو قربت هخلص عليك أنا بكرهك ومتخيلتتش في يوم من الايام تطلع اخويا بس كله بسبب امي وطمعها وحبها للفلوس اللي خلتها ترمي ابنها وانا طلعت زيتها، وضرب علي نفسه بالنار ومات .

– سعاد صرخت بكامل قوتها عليييييييييي ، خسرت كل حاجه ، خسرت كل حاجه ، رميت ابني عشان اتجوز راجل غني وعشان الفلوس ، وفسنا وابني فسد وفي الاخر موت نفسه ، أنا اللي مسؤلة عن موتك يا بني ، أنا السبب يا علي سامحني ، أنا اللي قصرت في تربيتك وبوظتك بدلعي ليك .

– شجن داخت مره واحده وإغمي عليها ، وطلبوا الدكتور ليها ، وأمير خاف جدًا عليها وشالها طلعتها فوق أوضتهم وغادة جابت الدكتور وطلعت معاه.

(والبوليس قبض على ماهر وفتحوا ملف قضيه خالد من جديد)

– الدكتور بيفحص شجن وغادة ماسكه ايد أمير وبتقوله أنا جنبك بيني أنا أمك يا أمير ، اوعي تبعد عني يا أمير.

– أمير أخذ غادة في حضنه وقالها: انتي امي وهتفضلي طول عمرك أمي يا ماما غادة ، أنا كبرت على ايدك انتي ومعرفتش يعني اى ماما غير في حضنك ، انا مستحيل أبعد عنك يا ماما ، وباس دماغها وقالها حقك عليا ، وحق بابا خالد هيرجعلك .

أمير وهو قلقان جدًا : ها يا دكتور في إي؟ شجن مالها يا دكتور ، هي كويسه؟؟.

الدكتور بابتسامه: إي إي براحه بس إهدى ، كل دا حب يعم ! ، المدام الحمد لله زي الفل ، ومليون مبارك ليكوا . غادة ضحكت وفرحت وأمير مش فاهم حاجه ومستغرب: مبارك يا حضرة الطابط ، هتبقى أب ، المدام حامل في شهرين، وشجن فاقت مره واحده.

أمير مش مصدق نفسه وحضن غادة وهي عماله تبكي من الفرح وقالته : مبارك بيني أخيرًا هشيل عيالك .

أمير: الله يبارك فيكي يا ماما ، وجري على شجن باس دماغها وإيدها وقالها أخيرًا ثمره جينا جايا في الطريق يا فرحة حياتي ، هتبقى أصغر وأحلى ماما في الدنيا.

شجن حضنت أمير: وأنت أجمل وأحن بابا في الدنيا يا أميرى وعرض ربنا ليا .

_____ #الكَاتِبَة_آيَة_أَحْمَد_أَبُودَاعُوسُ_____

(بعد مرور شهرين)

– تم الحكم على ماهر بالإعدام .

– غادة وأمير وشجن راحوا يزوروا خالد في المقابر ويقروله الفاتحة لقوا سعاد هناك بتزور قبر ابنها علي وبتدعيه بالرحمه وإن ربنا يسامحه وإن علي يسامحها على تربيتها ليه ولايسه اسود في اسود وعماله تبكي وحالها متغير جدًا وباين عليها التغير والكبر والضعف .

■ شجن رايحة بسرعه ناحيتها لأنها صعبت عليها لكن أمير وغادة حاولوا يوقفوها لكن هي هزت دماغها ليهم بتظمنهم وهي بتبتسم وراحت ل سعاد .

شجن حطت إيديها على كتف سعاد اللي منهاره من البكاء، لكن مره واحده وقفت اول ما شجن لمستها ،وبصت على شجن وشافت أمير ابنها وغادة وضحكت لأمير وهي عيونها كلها دموع ، وقالت ل شجن: سامحوني ، سامحيني بينتي وسامحي علي ابني علي اللي عمله معاكي.

شجن: احنا مسامحين يا ماما ، وأخذت إيد سعاد وحطتها على بطنها ، لكن سعاد إستغربت وبصت نظرة أنها مش فاهمه حاجه .

شجن: مش عاوزه تسلمي على حفيدك؟! .

سعاد قامت وقفت وهي هطير من السعاده وقالتلها: انتي حامل يا شجن؟!.

شجن: أبوه يا ماما ،نور أمير جاي في الطريق اهو ، كلها 5 شهور وينور حياتنا ، هو ولد كررنا إننا هنسميه نور لأن هو نور حياتنا من يوم ما عرفنا إن أنا حامل فيه .

– وأخيرًا السعاده بقت مالية بيت شجن وأمير وعلاقته ب سعاد عادت كويسه وبيناديها ب ماما زي غادة ، وسعاد عادت اغلب الوقت عند أمير في البيت .

(بعد مرور عدة أشهر)

شجن: تعرف يا أمير أنا كنت مفكره إن إسمي منعكس عليا وإن حياتي كلها هتكون مليانه شجن ، لحد ما جيت أنت يا أمير لونت حياتي كلها بالسعادة والحياة ونور إبننا هنورها ويزيدها بهجة ، واول حاجه هنعلماله لما يكبر إنه يحب كل اللي حواليه وأن يحفظ كتاب ربنا عشان يحفظه ، وكل حاجه احنا إتحرمنا منها سواء حنان أهل أو غيره هنعوضه فيه هو يا أميري صح؟.

أمير: صح طبعًا يا شجن.

(لكن مرة واحده شجن بان عليها التعب وجالها الطلق وقعدت تصرخ ، نقلولها على المستشفى بسرعة وغادة جهزت كل حاجتها وكلمت أهل شجن وسعاد عشان تعرفهم،دخلت شجن العمليات تولد وأمير هيموت من التوتر والخوف على شجن، ومرة واحده سمعوا صوت البيبي بيعيط ، فرح أمير ومش مصدق نفسه ، إن خلاص حته منه هو وشجن بقت وسطهم)

– الممرضة جابت نور لأمير وأذن في ودنه ، وراح ل شجن باس دماغها وقالها وأخيرًا ثمرة جبننا يا شجن.

" النهاية "

